



02307


讀史亭詩集卷三

南陽彭而述馬峰甫

五言古上

九仙臺

老樹匝蒼壁苔莨一何危石梯疊峻增絕巔位神祠萬  
古青濛色碧流環抱之陰剝靈竈文殘柏臆禿枝上有  
人煙簇相將避亂離苦塊滯平陽長河望瀾瀾技淚澤  
州城棲託聊於斯父老餉雞豚向前恭致詞謂我爲宰  
官治晉多良慈今者此山中幸得進一卮誅茅爲君廬  
垂老不須移我聞父老語不覺淚漣洏母死重九日客  
葬汾水滑有路不能歸潼關阻戰旗剝運當循環羣兇  
滅有時紛紛訓孤輩昏聩徒爾爲昨者陵川縣賊檄震  
隍陴翻彼翡翠鳥羅罽威儀遐騫者鴻鵠脩脩慕良  
規我遂從此逝昏夜與臺辭饑鳴叫矮木草枯伏短狸  
血濺腰間錢亂砍走山厓得覲蘇門泉苻藻落清池是  
時王宗伯琴書泊大坏攜手張雲齋端著詢所疑連檄  
鼓衛流泰岱問朝曦馥馥桃杏花楊柳拂青絲東山多  
壯士頽垣營策吹旅魂驚白日喪馬何足悲宗伯爲我  
言星躔東南維愚蒙養靈谷幽嶠多長脊發棹渡清河  
吳山與我期新茗淪初夏有魚政及鮒虎丘石蹲蹲綠  
蟻對黃鸝良夜展素心晨起漑芳蕤周身鮮經營不材  
愜所宜捷羽達明光麟閣濯聲施艱虞勞將相之子慎



匡持望望九仙臺別汝能無思

金山寺 四首

彌望遙岑色葱菁入高軒江聲日夜流薄山嚙其根喧  
厖無停時山亦勞夢魂入寺讀殘碑濕苔手與捫銀杏  
何婆娑老烏欬而蹲低徊問蘇髯無復昔僧存孤塔望  
中流空綠搖高痕舳艫無斷續瞑雨下黃昏

怪此江中寺拳石終古存澎湃浮斷梗天地無朝昏不  
知巨靈手何以奠厥根上有青冥樹下有古人墳估客  
颿千葉亂流南北分我來方四月鱗魚白如銀芽茶煮  
虎丘禪房氣氤氳雜僧索我書藤溪紙數尋勸我爲勒  
石空山雜蟲吟我雖不好名僧意良以深

讀登亭詩集卷三 五言古上

二

山身何嶙峋盤結在江腹胚胎藏混沌巖靈摩參宿龍  
母與螭孫引類窟其麓霹靂日夜轟鼉背如轉轂寺成  
無歲年從山問來歷沙濺頭陀金高臺蒼蘚蝕薜蘿發  
空香老竹學媚綠輪爾山中人長此寤言獨

憑檻問江聲激射何張皇鐵甲百萬師沙礫飛戰場孤  
軍與之角雌雄未可量久之和議成彼此兩相忘櫻桃  
果其上杜鵑英其傍人神勞位置金粉爲輝煌日日江  
上客來此命壺觴冠蓋何鹵莽與山爭祠堂艱貞萬古  
石爲峴首桐鄉芳穢不可知徒爲山靈傷不見子瞻帶  
江流空自長

衡棲 甲申西湖

聊浪長干上晡時日欲西墳行多偉樹暮蟬構樛啼郊  
坳何腴腴枳落人呼雞僑園鬱修篁頓擗如荒祠為看  
啾啾鵲紛泊來宿棲久淫江介間貽繆初心違私艱復  
羈旅國事不可為旬始餘秦分燕山闐鼓輦過者關門  
戰人傳收京師春秋大復仇漢幟耀靈暉遙知大江上  
熊羆振瓌姿衲服出六軍焯煌自南畿吳越古戰場鈞  
棘自昔垂繞雷非不固底慎於未危大夫新講武戈船  
掩湫澗鏃戩來閭開縵胡跨短騎壯夫莫驩笑所志功  
名隨不見四侯伯金符自纍纍

贈魏山家宰護國寺

野寺著秋烟藥丘頽葉奔啾啾來竊藍迅商捎殘垣中

讀聖詩集卷三五言古上

三

有黃髮老僮俛屏囂煩光塵索海隅龍象肅膺魂在易  
言高尚庸詎王侯尊遙蹠天衢表洪崖翼與翻伊蒲佐  
雕胡清磬閱朝昏有昔註靈文卓犖訂佛言我來勤仰  
止偃倮晤南軒鄂節思佳兒烈焰錘其璠自昔為諸生  
覲我於大原墨筮右軍帖謬推國士恩喟焉崇令則遺  
徽揚帝閣周道尚齟齬熊虎已列藩興王今求舊老成  
未云謖孟晉圖匡濟大道所由存

却聘

偈側秋江暮使者來維揚唁予草土中黃葉積空霜袖  
底躍兩魚素交諳故鄉薄言惠光塵徽音叩微茫伊予  
傷風木慈魂羈平陽相彼鷓鴣鳥而無厭火方又如彼

蓼蟲不適葵藿場我聞相國久戮力劾封疆炎運幾蹙  
圯斯人爲再昌何來傾明月燭煌及我堂燭音位  
火光誰實拯  
橫流頓擬理遐荒小草靡遠志此義或自量揮手謝君  
子四壁啼寒鬢

蕪關晤陳蝶菴

娟娟鳩茲月方舟來西川長年濯棹人萬里拖風烟惟  
余知名久往事猶能詮伊昔爲郎日捋鬚祇自憐揮手  
皖伯臺飲水第二泉再吊夷門客重刪宛丘篇迄今汴  
梁道能言使君賢亡何賦麻衣烏道入青天乾坤金虎  
耀帝魂化啼鴉子攜經國業白石惡久眠愴歎別松楸  
迤邐大江邊赭山一杯酒東泊建業船送子感亂離故  
鄉何杳然淒淒苦塊內時事每中悞惟子將相畧匪徒  
以文傳劬力酬艱難匡持慎所宣

寄興平

將軍起關隴英安飽沉謀百戰風塵昏朱旂閃兜鍪晤  
我澤潞間旒象響鳴騶客舍九醞觴嚴飈何颯颯丈夫  
多感激握手許相投深銘衛士恩送我作遠遊我雖成  
趨起此誼古人侔別來皇路棘駢走崇丘怪鳥向我  
啼玄猿向我愁偏側東南來蒸鬱苦一舟已歷西湖夏  
復逢北固秋昨聞螭紐印幕府鎮瓜洲公瑾幼視師伯  
華早封侯江聲滔白日萬里向東流中有金焦山石脚  
踏鰲頭坤維資兩柱瀕洞釋帝憂淮陽古重地勝槩益

咽喉試看金焦山擬卽斯人儔

喜晤英軒

雨雪鹽車道別我去幽燕蒼鬚衝古驛跛馬換寒鞭時  
聞潼關破妖氛纏西安未幾我東來妻子走嬖跚相逢  
多豹虎偏側不可言聞君過太原王孫與盤桓三晨不  
梳頭一飲錢五千嶽崎六十載赤脚遍山川自我與君  
友可與言忘年今者白門遇歌哭出肺肝從子學飲法  
勿爲達官傳

同朱無垢宿盧龍觀次日爲先慈生辰

驅馬日下春城闐青草路薄暮叩烟扉疎桐浙微露相  
逢笋籜冠揮蒲進款素一室貯白雲足練騰古霧冷螢  
凄孤枕濕螢竹根吐羈愁日以增時事多凶懼中夜起  
徬徨空復妻孥聚明朝母誕辰蒿胥平陽墓

壽張箕疇在蕪

髻鬢爲兄弟蹉跎成老醜君年忽四十我亦三十九君  
今桑弧辰洗盞爲君壽憶我吏晉陽泥塗曳禿綬子同  
九玉兄慰我於山右爾時雖伊鬱所幸有老母簫鼓聞  
上元歡呼擊秦缶送子入燕京明光射蚪蚪凌颺無反  
風鍛羽歸林藪流寓大江南臚臆未云剖我哀賦蓼莪  
太行孟門走取次入青齊催船向京口聞子僦鳩茲北  
來飛鷁首把臂說亂離萬羅黃葉厚生平稱善病兩顛  
漬深黥近日習天文夜半尋參斗時勢需英流經綸子

其手與朝多殊恩侯伯者某某致力及方剛歲月曠衰  
朽相期勒景鐘浮雲誠何有

送英軒入豫章

髯翁無械事與我交十年盟心淇衛流匡我岷圍山每  
食脫粟飯不愛五銖錢醉後捋蒼鬚睥睨天地間坐槐  
根讀書雙瞳巖電懸聞人不平事磨牙突老拳自誇其  
兒孫負荷以象賢世人怪厥真欲殺不相憐戇駘以終  
暮秋林何茫然昨者陳竹黃家書寄安全公喜愈尋常  
十蟬傾惠泉茲別我西征行登中丞船片帆過彭蠡臆  
舟匡廬前登臨還吊古名山幾人傳為我報山靈我將  
卜居焉豈必蘇子瞻與夫李青蓮

懷楊陟瞻於義安

乙酉春

不見潮州守迤邐歲屢更我向遊并州子尚滯華京左  
有羅元玉右有董福兄同門我四人爛縵對寒燈別來  
邦棹杙鐘簾九廟驚况復高堂頽腸斷忬由城萬死孟  
門道隆慮走崢嶸跛踦渡江南行李帶哭聲負笈西湖  
上得問子休徵一麾今無恙練江寫晶瑩我聞為軒渠  
風徽慰友朋太守古諸侯銅魚耀藩屏煌煌漢宣詔豈  
為千石名我今客鳩茲所親賦遠征尺書感遙夜鈎陳  
慘不明酒樓悲歌地骨都寶馬行令聞勒璽書師帥作  
公卿願言矢嘉謀於以奠蒼生

嶧嶧鳳凰山下有相思樹人何獨不然山川夢或誤舊

遊京洛塵回首桑乾渡良朋成異物美好京工妒怵愁

滯江喬

怵音冠茂愚貌

所選人非故時事方蓼擾狂攘聖明慮

白日走夔魑斷斷恣秦豫任進心日頽艱難賦行路極  
目眇甥城澤葵冒寒兔緬維同心友浩淼漲海霧鱷魚  
會潛跡大顛殘剝暮古來潮州守昌黎其最著至今甘  
露巖玉簡欽風素艸盤張許詞碑蝕陸家墓暇時爲吊  
古五馬一左顧

寄陳竹黃

揮手行山側柳色映汾潯今年復見柳乃是大江陲忽  
忽已三年遊子不得歸悌鬱來我心浪浪下酸悲昔年  
老母在送子多言辭自思禹山好種種種泉池繚悞以

讀李亭詩集卷三五言古上

七

終老無從竟所施至今霍山下鬼車永夜啼我度詰曲  
阪選蠕邁窮奇壯士心欲死長劒手親提委遲過山東  
葡萄萄醉熊罷擊楫揚子江扶筇白公堤南北四千里音  
書何由齋二月阿興至慰我采石磯讀衣帶中語字字  
良凄其猴葵旣已蕪燕麥亦已披風雨逼寒食黃狸嘯  
京扉傷哉祖父塋椒漿間歲昔仕進心日頽竹帛無由  
垂鄱陽鴻雁來一帆過江西厥根不屬地譬彼野狐絲  
憶汝感弦箏離合靡長期黯淡百花洲垣衣冒歲蕤

散愁

乙酉

留滯江國久夏雨何淒淒榴花然高枝毛羽爍山雞朝  
興胸灌莽人驚於菟蹄小婢不解事悞指日東西汙田



傾刀笠火聲發塗泥鄉老閒櫛沐雲根臥清谿漆竿銅  
陵來白門鐵馬嘶沈醜不敢言誰復念噬臍秉釣者何  
人勿乃玉貝迷

明霞閱翠幕行行捋蒼鬚男兒生四十不得遊帝都手  
澤傷栝棧黑雲壓藐姑肺氣蘇深山妻子呵賤軀皇路  
方蕪穢閭闔不可呼朱提傾要津飛揚多人奴紛紛黃  
口兒今已大金吾底綏未有期臣僕難自愚不知魏闕  
上何以爲良圖

有懷

秋浦

楚舟畧吳疆消息傳一月顛齊天弗吊蠢蠢震北闕窮  
山哀鰥寡蜂蠆毒罔竭相戒過亂門擱然豎毛髮

擱關上  
聲動忽

讀李詩集卷三五言古上

八

貌見左傳  
與欄同融風東北來爪步蕩溟渤餘皇輳秦淮直抵蛟

龍窟嫠婦念宗周漆室勞心骨高勲思冠鄧定傾誰平  
勃降割增寤歎石罅白雲淖

竊玄趨菑田伯趙鳴殷林羽毛知歲時因之變夏音伊  
余離鄉縣江國久滯淫兒學徒荒嬉前哲靡所欽余亦  
積衰白二毛忽已侵定交杵白間親暱非黃金吳君饒  
不羈德造復悄悄望衡鋤藥欄時復攻諷吟四壁空虛  
竹沓颯杳然深玄崖匿白日恒雨萬山沈時事每冲肝  
物理感客心

汲水行

橫山作

妾本良家女嫁作蕩子妻破產梟盧場沒身爲女奚香

奩不復事永與穀絜辭負擔鹿盧邊素跣踏青縻屈體  
縷古水荒苔與額齊嬖姍為喘息斗水六升泥兩肩壓  
丘山纖手拗柔莢吳兒憐見之咨嗟在水滑感君躊躕  
意勿復覩縷為阿婆督責嚴恐為生瞋疑既以供樵蘇  
忍再著鞭笞父母實生我空復好膚肌玉粒含朱櫻豐  
頰輔長眉流落溷廝間為容者伊誰百花黯芳洲紫金  
未解圍飄泊在東南五載不成歸饑寒眎主人矜顧敢  
自尸前年燕趙破佳人為鯨鯢近報廣陵陷明珠幾去  
帷世亂無貴賤乘除理難私金屋與縞綦云胡有差池

三兒取鸚鵡子養之以為嬉示此釋之

世間能言鳥乾畢與寒臯有口崇厥躬居高不自跋往  
往為人玩氈毼其羽毛况復剪乃舌死生隨所遭相彼  
黃口兒依母乳於巢聰明猶未著樹籬但咬咬將子胡  
為者獼猴取其曹嬰啜良以悲踈踈無所逃何如捨之  
去老大相慰勞微翼有天性長此遂條條丁寧學瘖瘖  
結廬在山椒

在昔聖人世鳥獸為咸若巢可俯而窺鳳凰在阿閣後  
來繁智巧羽族翔寥廓冥飛有纂鴻占歲每悞鵲我觀  
鸚鵡子結構向屋角自我卜居來眼見其出殼雙雙無  
停晷銜餌飛霍霍非以忘機故啜肯近棲託如人念家  
聲忍計其墮落襪襪雖長成媵姿猶小弱青絲貯簾櫳  
不及一枝樂來巢記魯叟汶水不度貉凡物有形性勿

以櫻寂寞

憶昔

蒼黃南渡日諸公策碩膚主曾急得人天命謨赤符八  
紘瞻曜靈仙樂奏大酺彗星掃欃槍太阿柄湛盧幅帽  
未可量日出暨海隅上以報山陵萬祀肇求圖貴陽鼎  
折足釀成亡國俘蕩心即非彝鹵莽及菑畲吳歛襍越  
吟華袿傾羅襦卮酒醉長星官米飽侏儒羈絀流光彩  
膳夫噉通衢並植任當軸威福羣公趨雲雨吐漱間黔  
督變斯須銀潢等敗牒周內竟相屠大澤珍麟趾千仞  
劫鳳雛稂莠日蕃廡良顯就驅除黃門左右之搏擊似  
於菟金壇周禮曹乃以清流誅懷寧逆案人一朝兵尚

讀史詩集卷之五言古上

十

書稗政播臨安腥聞到姑蘇市兒爲攘袂杓矛盜城郭  
靖南仗忠義疏留先帝孤寧南棄武昌癰潰彭蠡湖前  
此王孟津嘉言多訐謨芻蕘不見收予聖誰知烏維揚  
史閣部連章屢疾呼因鬼難見帝翠翹陪清酤木妖生  
雲漢丹獲窮倖輸猴眞惜楚冠御座乃陞狐燕雀難處  
堂蝸蚌合收漁兼雪四海恥戮貍擒亡逋捲土朔方兵  
師子被淮徐河南凌御史頸血濺犀渠史君南向拜敢  
愛三公軀樓船亂揚子風鳴金僕姑賊臣稔凶德鼠竄  
走泥塗遙聞姑孰戰王師敗于蕪將軍累馬革白羽望  
如茶江神驚鷁首鐵鎖熱東吳禮雖先一飯無復飽羸  
蒲漢家松柏路歌舞羅瓘璣不見舊祖臘忍看曆數徂

致此者伊誰盡哉徒歎歔

六月十五日

披蓑來谷口風雨集曾察雷奮何緜緜豐窟亦太驕白  
雲釀塵巖礫岩湧波濤圍樊迷山龕石蘭間栴桃皇林  
斷木聲沙嘴吼狂茅淺淺幽瀨流穿墳瀑短橋瓜架續  
襪襪離離垂遠條孤磬破午烟懷新見良苗臺笠驅犢  
歸鳥耘日勞勞以供水陸人赤米無衰耗

耗同耗有音世  
詩耗數下土

世

間游手子豐年徒嗷嗷

谷潭菴詩

戈鋌侵吳會空江動鼓鼙遊子去石城倦尋秋浦栖岑  
麓何盤紆錦禽照回谿隴上傭耕人稚子襍山妻野老  
談朝事參差語不齊長夏煨紅爐避暑過招提繞屋富  
松杉爪蔬葉淒淒寒泉仰而出瀾瀾浸稻畦篔簹生赭  
堊白猿時一啼留滯胡不歸中原多疾藜煩惋無可極  
親朋日以睽獨立感蒼茫秣陵走馱馱

澤州逢井虹嶼

十年彌羣盜豫南無堅城殘鬼哭斷壘短甌戴日行衣  
冠將者舊凡肉與杯羹寒臯催落葉飛花泊其英茫茫  
鼻門道惟聞流水聲賤子晉陽吏萱摧痛所生崎嶇汾  
藿上霜月啼三更南枝慙鷓鴣悽音繞樹鳴取道擬彰  
衛清淮間碧泓騷騷北風厲聞君來西京客裏逢親舊  
觸余故鄉情白衣投短刺聞吏顧而驚君曰我鄉人歡

笑爲之迎技淚談烽火各傷祖父瑩君新官西粵水陸  
八千程只今百粵長車書隸聖明祇須誕文德不必問  
長纓

湘潭偶興

湖南經歲客征骨倦風塵颯颯秋風裏獨立湘水濱遙  
望漢口船寄語問家人故里亦可歸何必久漢津我爲  
一官悞不得遂隱淪穰西有薄田稻熟酒且醇盈盈菜  
萸水中有三寸鱗蓄奮旣已獲又復理釣緝此即不軒  
冕仕隱正維均誓將捨之去永爲葛懷民

癸酉至乙酉中原作戰場躍馬來關西妖氛一以猖將  
軍與爲市相逢兩不戢坐使氣力雄談笑摧封疆血流  
濺大堤白骨滿洛陽脚踢昭王臺黃河空湯湯東海有  
聖人朝旭熒扶桑括囊收羣盜九牧載其光白露灑銀  
漢木葉下瀟湘徂茲能無嘆汎瀾沾衣裳

漢口贈閔太守

北真人名先算

卻陵有高臺翩翩下孤鶴一舉凌空煙俯視雙清閣下  
有十丈松蜿蜒繞東郭鯉魚尺半長碧泓恣其樂爲問  
太守誰五馬來京洛年方二十餘英姿富奇畧去年秋  
夏間于役煩諮度貌貅千百羣寶馬黃金絡西風厲以  
騷上林無乾雀相與共朝夕琥珀照瓔珞連轡走千山  
騶猱紛相攫憔悴入武昌衣冠雙落魄春雨復淒淒孤  
舟貯寂寞漢口酒如澠酸辛不堪酌我今復北歸子尚

未去鄂鄧西有山田凶歲猶不薄何時來相訪當與飽  
藜藿

初度臨湘

辛巳及戊子八紀歷茲月偏值攬揆辰山川屢播越或  
在燕與晉或在吳與粵三年客楚中羈孤蠻蠻窟一官  
強仕過頭上見白髮寒雪飄洞庭皚皚黃陵碣棲棲湖  
以南所在勞戰伐身是黔中使虛名况節鉞未敢憚馳  
驅士卒半餉沒羸馬與病僕風沙侵其骨逢望禹山高  
神思增忽忽

行巴陵題人屋壁

青山何崎嶇馬頭犯早霜萬壑松風響朝日燦其光  
牛壯如虎鬐鬐雙角長煙寒雞犬少破屋無酒漿客從  
遠方來僕從有饑腸案頭苦蔓菁堂前粃稻梁不暇求  
精鑿舉火炊而嘗房角老烏啼隔嶺於菟狂刷牙錢青  
馬金勒前途長茫茫桂林路尉佗昔稱王指揮定百粵  
符璽達南荒巴陵有名酒歸來醉岳陽

沙陽南邨

驅馬沙陽鎮浴水見鷓鴣雲氣東南來淙淙雨亦垂投  
鞭入孤村崎嶇凌深陂茅屋三五間庭草青葦蕪老烏  
巢樹巔啞啞哺其兒兩燕相呢喃蛙部時一吹架上有  
殘書是爲鍾譚詩主人吾弟子稽首拜宗師我向授楚  
士去此五年期明珠與大貝強半羅江滑感此念夙昔

盛壯不可追馬融扶風日王通河汾時高足者幾人將  
相復稱誰睽茲門下士長此慕良規

鄭將軍園

將軍有名園乃在城西隅入門即深山深山或不如老  
樹如蛇軀蜿蜒下庭除怪石憑墻立俯首呼其雛櫻桃  
亦爛熟約有數十株食新堪一飽佐之以清醕檀板飛  
白雪妖姿帶羅襦一飲遂一石長干舊酒徒醉後寫白  
紉長者乃丈餘墨蛟相怒盤霹靂滿兵符將軍拔劍起  
斫地作狂呼我謂將軍曰南方多短狐我欲借此劍談  
笑殲其逋投筆從此起無事此區區

卽官湖憶李白

讀李詩集卷三五言古上

十四

李白去夜卽得稱湖上客相逢張公子湖光洗其魄把  
酒酌卽官仰視天爲窄羯鼓入長安是時唐祚厄璘也  
亦王孫附之得遠謫靈武多功臣李郭何赫赫舉事有  
成敗遂至天壤隔文人無厚福不登佐命冊剩此舊遊  
地化爲居人宅停驂幾過此勒馬讀殘石寒鴉遶春城  
古壘竄蜥蜴江山借賢達俎豆見履舄魂氣來大別黃  
鶴纔咫尺刷羽過江東欲奪崔顥席

衡山集賢院

曉入衡山道香旂滿青畦竹裏多人煙陸續有鳴雞行  
行師姑橋兩岬眠鳧鷺晴日照積沙天半舞虹霓流泉  
迸山脇素練百尺垂遠聞如有聲霹靂奮龍池峰巒七

十二上接星漢齊如何從近觀祝融反覺眠

下火場贈恒明

南天門而下是爲下火場叢林肇古昔臺榭亦已荒去  
此尺有五蜜脾綴山房巨石十餘丈陰罅日傘張白沙  
激碧湍瑋琤鳴金商紅顏醉窈窕况復多海棠倚徙不  
能去紫烟凝夕陽

贈破門

破門何處客野雀雲間身雲間兩佳士偉哉董與陳破  
門與之交水乳相爲親歷落四十年一棹洞庭濱結茅  
此間久遂爲南岳人筆下寫懷素有草不須真黑蛟搏  
白絹百丈復千尋相逢羅處士共覓桃源津天半飛舸

下白石看鄰

後此船辛  
卯年飛去

迎秋詩

成功有代謝寒暑一以侵木葉先示之此理無可尋我  
來衡山久赤日薄長林天地如大鑪萬物相鑠金偏昃  
不能受搔首望作霖昨夜空林下四壁蟋蟀吟懶婦相  
顧愕夜半搗殘砧良人在甘州西夏未成擒昨日有書  
來破襖待織絰曾幾何時節白露忽而深感此不能寐  
勞勞遠客心

毘盧洞

南岳毘盧洞乃在山東支林木何芊鬱鐘聲一以吹巖  
雲宿義皇魍魎不敢窺飛鼠嚼松花百丈不嫌危山中



無播種斤鹵多蒺藜老僧以爲家  
匠屋種棗梨猿狖每垂涎間或攫  
一枝僧亦不與較相宗以爲慈吳  
衲字破門半百點而癡爲我言此  
中神設或鬼施我在飛來船遙遙  
一望之恒悅其弟子鉢心學爲詩  
刮刮雖未成久當如其師探奇須  
杖屨再來是何時

破門詩

懷素星沙人去此千年久破門吳  
下來懷素生其手岳雲五千車貯  
之不盈斗與我坐炎暑涼風出肘  
後新作一卷詩是人未開口池內  
風濤翻筆下龍蛇走我欲呼墨顛  
醉之以美酒

衡山有破門乃在山東脚石壁跨  
松根樹杪掛髯履中有一碧泓穿  
竹洗其籜自從飛錫來虎豹如相  
縛他年爾歸吳山勢空磅礴

香水菴晤鄉僧純智

衡陽香水寺盈盈一水西峻嶺叢  
竹樹龍象此間棲偶聞鐘聲響馬  
蹄入清谿僧自何方來生長湍水  
滑羣盜走中原擔簦南岳居結茅  
瀟湘岫種茶兼種葵屋角黃楊樹  
天陰啼子規盆花開且落梁燕羽  
差池石榴赭如燄况復隔墻垂低  
徊問鄉人來此曰何其百粵未休  
兵蠻動尚五溪濕土多蚊蚋安枕  
無其期何不早歸去羈旅不可爲

永州聞荆孫殤於痘

八月十九

丁亥冬來楚產爾在南湖厥地名荆河職方乃嘉魚以  
之命爾名把酒醉飛廬襁褓入官署老妻來歡娛左手  
指長戈眼中識之無頭角自岐巖爾兄或不如兒齒且  
四歲學步穿羅襦鄉人每慶我德色爲之腴是年復永  
州遺爾在故閭洞庭與峴山茫茫天一隅前日家人至  
痘疹劇憐渠但言庄上聞不見爾父書幾番窮探索中  
間語糝糊豈其真怛化倏爾成白駒造物愚弄人變化  
只斯須殤鬼不識路嬰啼入冥途前此十五載地下有  
爾姑余長女以丙子春  
死難奉旨旌節爾去往尋之重陰或可呼但恐語難詳  
不能記里居

再至永州

讀史詩集卷三十五言古上

十七

丁亥驅車至使君盛威儀絳絳憤樹高牙喧厓擁九達衣  
冠留者舊華屋與雲齊香杭白如脂輪困視豐碑賣漿  
屠狗者拍肩醉相隨屯扎多大兵羽箭關東兒夜半管  
絃聲仍雜鼓角吹自我去黔州時勢不可爲越寇莽間  
來羈勒滿山陲官兵出接戰睥睨一以鬪驚沙逐瑠戈  
風日慘蔽虧馬肉不足食析骸乃作炊戶口三十萬所  
餘纔子遺將軍潰而出不遑死其綏此事已三載庚寅  
我來思前日臺與榭撐撐沒蒿藜相逢無父老街頭盡  
殘甃黃昏吐青火照耀瀟湘西官舍兩叢桂頽廊落日  
低秋深猶未開陰翳網蛛絲出門見蒼鼠徑尺分外肥  
舊主化爲鬼此物聊憑居試問愚溪柳所見何如斯

朝陽巖

永郡饒山水山階分外奇我聞流香洞上有道州碑捫  
蘿穿石竇蒼巖鷓鴣飛曖曖澗底松含雲弄朝暉苦竹  
不盈尺還與松頂齊壁鐫古歲月老蘚爲之迷芳泉吐  
石脣嘹唳來深帷下視瀟湘流嵌岑一以危板橋生山  
腰上著觀音祠朱檻鎖青藤倒影入玻璃咫尺鈿鉅潭  
蒼茫見九疑懷古信悠然意興良無違

代愚溪憶柳子厚

君自古河東來抵湘江許文人多左官當道嬰齟齬降  
謫下九天鸞鳳鍛其羽風日閱十年林壑快得主頑石  
與枯松顧盼生厥嫵維茲涓涓流夾道乃子午山下啓  
蒙泉噴珠濺石乳埋沒幾千年姓氏不出塢自君題以  
愚顏色照南土愧無盛德容敢將大智許自子去柳州  
音耗遂以阻所歎知我希幽咽只自語遮莫唐以後銷  
沉幾今古人壽無千齡不堪從頭數

代柳子厚憶愚溪

我憶永州城西門十里屋墟煙各成村食竹不食肉得  
罪朋友來之官以其族南方鮮士人抱膝在空谷十年  
固不調豈爲貪微祿零陵佳山水蔥鬱多樹竹脚底一  
泓泉迴環經予目弄我無朝夕洮類如未足不忍題巧  
慧署愚良匪辱不敏如小子敢謂此水不世人競檢捷  
爲官恥放逐此水不尋常與我寤言獨曩時劉禹錫亦

在辰陽曲朗江西來水映他杯中綠  
嗚伊無嘉名曷不流而伏自我去  
芝山溪聲傍我哭如彼生平交念茲  
腸斷續

### 三哀詩

吳總督孳昌

固陵吳孳昌其先名曰伐丙子大梁城  
晤子在七月婆娑鏡浮屠青草地上  
歇畫壁試旗亭靚梳曉雲髮是年  
歌鹿鳴蘭茝深相禩庚辰在長安作  
賦詫奇絕雙劍合延津撇揆如飛雪  
給假我南歸送我盧溝別紈扇灑長  
篇悲壯帶幽咽爾官入雲中我亦腰  
初折晉陽一泓水共歷黃花節西風  
子北征滹沱車相軼未幾除吏部光

讀吳臺詩集卷三言古上

十九

寵生同列我時丁內艱避亂入西浙  
遙聞鼎湖泣攀髯號北闕大兵討賊  
來迅掃欃槍滅出爾縲繫中視爾口  
中舌宣大藉長城刮磨燕然碣何物  
來青蠅羣毀因銷骨翻然賦遂初杜  
門絕請謁不謂讒太甚鴟張深相齧  
猛虎食賢豪吞噬如蠓蟻閭闔遠不  
聞乾坤竟流血蔡邕既無兒漢史從  
今輟二陸入洛陽便與雲間訣撫  
仕亦何爲傷心感明哲高才無著述  
零涕心悒悒

王孝廉之鉉

先皇升遐年我任九華脚萬山一蔥  
翠虎落罾紅藥維時王九玉放歸新  
落魄流寓秋浦城聞亂爾出郭卜居  
共一村笑指雲間鶴地主吳應箕弘  
才何磊落江東管

夷吾苻秦王景畧一發既不中折牙自就縛九玉謂我  
曰爾我盍去鄂意中大别山西風差不惡我乃遂官楚  
子曰故鄉樂攜抱入德安叛卒夜相薄倉卒亂軍中遂  
爲人所攫如彼崑山火良玉能不灼我聞長太息遺骸  
在某壑有子苦伶仃不忍見流落試看絕交論爲何人  
所作

張孝廉洪範

茱萸流澗潺名山屬大禹蘊隆莖其英賢達實接武前  
此天順朝穰州出碩輔維今長樂林是其所生土奕奕  
張箕疇亦遂產其處伊昔舞象年頭角嶄然舉講席開  
東隣魏師來自楚師名希舜鄴人執經多問學齟齬我與汝跋扈

讀史堂詩集卷三十五言古上

競飛揚功名侈自許作賦入梁園觀者乃如堵幾番戰  
燕臺空折千鈞弩我遂行作吏入官愧學古折坂登羊  
腸探碑到岫嶸幾看橘作枳又見鼠變虎傷心燕子樓  
化作臨邛女生平把臂交除子無可語今子既云亡有  
懷剖無所子無一卷書將同秋草腐我向勸爾作子文  
我當敘爾猶等閒看筆墨無留楮孤墳蕩冷煙言之亦  
何補

明發

伊余昔伶俜生四歲而孤笄笄只我母膝下撫兩雛祖  
母與王父年俱已桑榆爲我延塾師謂我血汗駒小兒  
不解事玩愒日枝梧浸尋十四歲祖父亦以徂鄰子眇

麴蘖招邀爲歡娛我乃學飲酒額額夜狂呼我母向我  
泣呵責在前除養子不成立畫虎或不如况乃里中豪  
侵軼我田廬吞聲無氣勢受制于家奴出入無完衣敢  
言藜藿麤因此發猛省不敢浪居諸終歲手一編食字  
如蠹魚二十游鄉校翩翩曳長裙中原戰屢北不得釋  
犁鋤丙子既三十是歲登賢書適遭家園破樓閣化丘  
墟一女死賊難義烈爲阿姑女年十四不離伊姑處及子難避地入襄陽大  
堤看芙蓉及至庚辰春乃得售公車一行遂作吏太行  
何崎嶇對此汾晉俗有懷古帝都昊天胡不吊傷哉母  
氏劬從此恨終天黃花慘山隅母以癸未九日老陽典署扶櫬入平陽馬  
鬣封東郭是時秦寇熾勒馬將渡蒲倉卒攜家人間道

讀史堂詩集卷三十五古上

王

走青徐猿狖在左右白日虎豹俱孟津王閤老相遇大  
伾岨連舫兼並轡取次達三吳維時甲申春僑寓在姑  
蘇忽聞龍髯泣薄海攀鼎湖一夫墮九廟血流遍寰區  
禍慘白馬驛朝士嬰毒痛或爲座上客凝碧醉笙等皇  
皇三百曆誰憐赤帝符眼看大厦頽難將隻手扶潛舟  
走餘杭螺黛見西湖爰維史閣部饒具興王圖馬復共  
天下建業王氣虛沉落萬山側隱身只釣屠迨至乙酉  
夏大兵彎南弧旣破潼關賊旋追九江逋良玉去武  
昌靖南死在蕪子儀古則有王敦今不無天意不可知  
興亡在斯臾金陵豐鎬地爰止是誰烏我欲賦歸去穰  
河種菜萸牽纜到鄂渚乃爲當事狙亡何遂一官漢陰

披明珠捧詔再遊燕零陵學牧芻詰屈入井陘取道平陽途乃負我母骨歸葬五父衢八月泊漢水一葉棹短檝長沙思太傅汨羅吊三閭蒞茲甫三月名王借吹噓空秩愧節鉞澹然賦遂初丈夫感知已詎唯爲簪珥庚寅復南遊帳殿擁穉穉白露下清湘暮山聽鷓鴣刀環及馬策相伴維蒸徒長兒獨追隨離家十月餘全州城空濶家園多霜蔬况別墳墓久天寒走蒼羶庶早整蹄鞭勿爲但躊躇

多端

別爾在春暮南陌柳青青囑我語多端多端恨填膺我謂行當返六月計歸程豈意淹滯久今已司京冥湘山

多鷓鴣黃昏向我鳴叫道去不得悽戾多哀聲如聞深閨訴切切不堪聽蒼梧連交趾毒霧氣溟溟尉佗猶稱帝夜郎未休兵朝夕帳殿下羽檄見縱橫棲棲復棲棲不得卽北征牧馬湘干上積雪結成營薄暮不耐寒刈茅構短亭蕉蒯緝戶牖互簾在鄰楹與牛人近冬笋不可鬻半緡或苦菁夜來煎松膏耿耿代孤燈前月寄書去家人細叮嚀計爾將南發何日過洞庭

辛卯正月過嘉魚望木魚山憶與黃仲霖舊飲處

事在丁亥秋時余自粵歸仲霖官閩久不得消息

春雪江冰寒薄暮扁舟銳望見嘉魚山城門日早閉魚山拖殘練衆樹纔如薺我友黃仲霖登臨憶連袂落葉

颯西風乃在丁亥歲爾我各有詩同心紉蘭蕙鳴榔過  
洞庭湖光但溶瀟投鞭去夜郎爾遂入燕薊一自嬰世  
網我向故山憇閩天海日紅波濤東南際悠悠五六年  
書札無一字維我遭軾軻短髮日憔悴知已如君少白  
日多魑魅著作近滿篋示人輒不利草成旋自焚不則  
或中棄今朝自粵來正月江雪吹開蓬見魚山忽憶舊  
遊地故人不在眼拳石空矗矗孤帆看蒼茫獨酌不成

醉

拜風臺

在嘉魚赤壁山

赤壁山上石狺獍如猛獸赤壁山上碑風雨蝕巖溜剝  
苔讀古文摸腹想句讀當年赤壁役諸葛績乃懋水軍

讀史詩集卷三十五言古上

三

三萬人東吳相輻輳併力拒曹瞞噲吟天地鬪綸羽轉  
風角陰陽歸氣候萬艘一炬中烏林偷身走魚龍沸窟  
穴虎豹空山吼至今赤壁石猶餘血光繡吳書侈本國  
襲之乃陳壽公瑾悞成名豎子實年幼我來正月初踏  
雪窮巖岫臨風思昭烈如在漢宇宙嗤彼髡鉗兒乃以  
書蜀寇

贈劉小渠

曰古長安寨穰東六十里土墻高四圍下有盧奴水殘  
壘照紅陽腐草化夜光白茅數間屋春燕巢其梁石塢  
三寸竹乘風嫋嫋綠主人能愛客况值村醪熟

劉次渠



次渠劉將軍拔劍起南陽殺賊武關道京觀築卽襄金  
樽大堤曲華燈醉紅粧風流不可極鬢鬣亦已蒼塵生  
玉鞭釵高臥白河旁爛漫老瓦盆珍珠響槽床

與楊夢弼話舊

憶昔平陽道題詩韓信嶺怒螭盤四壁潑霧暝千頃別  
來淹歲時寒暑十年過風雨泣王孫劍光爍電影使君  
官西秦取道入晉境下馬拜淮陰遺墨猶炯炯南陽帝  
子鄉朱轡照畫省晤我百花洲金樽卜夜永覩縷成佳  
話如醉發深醒敝帚干戈餘雕蟲灰劫冷此物付名山  
不敗有天幸

送袁陽李公美還里

讀畫詩集卷三 五言古上

五

李子來春暮流鶯變夏聲征衫衝雨濕薄暮紅陽城南  
國芍藥開爍爍灼眼明櫻桃亦離離一尊相對傾憶昔  
官三楚南北走羣英意氣摩衡嶽咳唾凌洞庭別來五  
六年兩鬢漸以星息機千斤弩老驥恥長鳴餘酣發浩  
歌落月下三更

榴花

榴花開如火終日燒西壁苞含大秦珠百顆纂歷歷丹  
砂不敢紅猩血著雨滴瓊枝五月綠葉底藏鳴鴉左右  
竹數竿搖曳時相擊趙家好姊妹驕倨氣無敵昭陽白  
玉堦銅雀玳瑁飾起臥小園中彼姝時在側風雨聯朝  
昏白日片雲黑馬上聞琵琶明妃去漠北班姬長信室

作賦淚沾臆一時見憔悴零落雜荆棘君恩不可恃芳華有時息不及老蒼竹猶堪伐作笛

仲夏東園棗陽王茂才景順來晤寄懷諸子

白水東南去人傳舊章陵佳氣不復昔殘壘漢家營王子來百里高林動蟬聲晤我小園中名酒相對傾榴花開以醖井邊王瓜生種竹三五竿慣雜風雨鳴因子思舊遊歷落感晨星馬融門下士誰是鄭康成

與棗陽王茂才景順話舊兼訊水寨無恙

爾祖多心計綠水結爲城水面濶三丈水底徹百層菱藻相陰蔽鱣鱖此中生鳴狐起叢祠躍馬來櫓槍所向無堅壘天地風塵驚維茲一丸泥保聚未遭兵嬰堞多戰具車走霹靂聲爾祖既令終爾輩復長成木罌度夏陽巨艦鐵鎖崩潼關一以敗劔閣一以傾不及爾祖智桃源思武陵

贈任嗣美

白水東來路彌望是津鄉蛙黽喧天地玄狼白日徂二麥已成秋京坻半在場黃茅護斷塚老馬跳石梁解鞵鄗家渡榴火燒東墻任生事幽討南園種海棠甕瓶穀雨茶紅泉汲新香五年三到此短鬢忽催霜長林多布穀時聞呼雨忙

曠南寺

在孝感東五十里辛卯五月

十日楚山程平原稻如繡暑雨來北山淅淅一何驟土

堡自成村塢主勞結構亂世避兵燹堆堞如輻輳牛圈  
產小犢籬邊栽豆菘洿池不盈畝垂柳陰相覆上有盍  
且鳥夏來哺其鷺短垣藏招提茅屋纔新就木槿生其  
門流水環左右蝦蟆避磬聲鼓腹不敢吼繩牀蚊頗豪  
帷齋能相透窮途欺遠客不復念邂逅五載憶前遊風  
塵催老瘦夏日使面黥夏風使面皺尺五黃陂河霹靂  
白日鬪滂沱慰桔槔村姬憐水耨稔米白於脂不負豚  
躡祝縉俗相連墻汲綆出一瓮僧言北山中上有老學  
究十年不出山白雲生屋竇向者陶彭澤翻然捐印綬  
又如漢陳咸祖臘用其舊看山懷伊人桑下成三宿

維揚寄賀蘇林

讀史齋詩集卷三五言古上

二六

五戴京華事西山看積雪分手我南遊洞庭詫奇絕洄  
復八百里魚龍吼金鏡繫馬芝山道湘潭紆九折纔讀  
武岡銘甫建中郎節白日跳魍魎蝮蛇競相齧我爰賦  
遂初鍛羽家山穴抱膝懷故人孤舟棹六月信美廣陵  
城潮聲激海窟高臺不可尋迷樓化成垤咄哉隋帝子  
風流不可滅夜來管絃聲冷冷漏箭澈春歸蕃釐花逝  
水共幽咽

辛卯秋漢川西華嚴菴

長堤遶古嶼佛日照黃昏老革喧鋌燭墟燈落遠村孤  
舟望峴首晉碑何嶙峋漢陰多明珠渺茫不可尋旅遊  
亦何極長此曳車輪因之生寤歎故山娛雲根

投郢守李茂實

辛卯秋

春來過石城麥秀正離披上林多倉唐落花滿深陂太  
守遮我飲光盈琥珀卮把手宋玉臺西指羊祜碑卓犖  
懷古人芳草正葳蕤酒後感前遊憶在晉陽時雕弓大  
羽箭并州馬上兒五月廣陵渡八月燕子磯分袂忽西  
風秋江木奴肥扁舟溯漢水旌褱白露飛低徊舊山陵  
兔狐穴翠微挹蘭思公子蒹葭在水湄可能一杯酒同  
醉看鷓鴣

石城別萬君

萬君熊羆士挽弓強如鐵束髮起遠陽征衣常帶血二  
十躑狼居三十躑虎穴旌旗凌漢上珊瑚耀寶玦叢狐  
不敢鳴長鯨亦已絕醉我千斛酒羅綺紛成列爾時燕  
初來文杏飛殘雪孤舟去東吳瞥目九閱月再來蓼花  
紅兩岫如錦纈遙望郢上山金飈泣短碣宋玉不可招  
宜城酒尚熱忽忽復別君我行入百粵

見賓園同田楚珩飲

新野城之北是爲楚珩居夾洲白湍水三匝環映之憶  
昔弱冠日讀書漢皇祠與子同飲酒擊筑歌楚詞陳倉  
石鼓文祝融大禹碑別子二十年戎馬何猖披一作汗  
漫遊三相跨九嶷歸來杖孤筇晤子舊河澗故人成龍  
鍾雙頰雪盈髭手提一壺酒拉我醉東籬當時雲臺仗  
將相何鬢鬢繁華不可見古水流寒澌可能不沈飲白

沙  
媿  
鷺  
鷺

讀  
史  
亭  
詩  
集  
卷  
三

終

讀  
史  
亭  
詩  
集  
卷  
三  
五  
言  
古  
上

二  
六

讀史亭詩集卷四

南陽彭而述禹峰甫

五言古詩

中

廬次詩

壬辰十一月二十作

日月不少待母逝十年徂憶昔汾水陽淚灑天一隅赤  
省滿河干鐵馬度飛狐冰雪結平陽凝滯廣柳車遊裝  
歷燕魯驚魂過青徐鷁飛入廣陵鹿走傷姑蘇風濤五  
千里來食武昌魚旣而捧皇詔謁帝承明廬叱馭走太  
行扶襯到堯都魂令我母歸潼關路崎嶇茫茫宛洛道  
取次達茱萸家居河名是時值南遊不及歸黃壚浮坏我父  
旁日夜泣慈烏萬里蒼梧壘八百洞庭湖忽忽五六年

讀史亭詩集卷四 五言古中

浮名笑轅駒不慣事權貴脩脩賦遂初醉尉呵將軍舊  
客棄人奴山田有蹲鴟可以飽妻孥歲時念我母蒼然  
感頭顱嚴霜吹古栢黑夜吼於菟葆羽何飄搖州里奠  
酒舖明朝是窵窵重泉不可呼地下見我父十年淚已  
枯所喜兒成立立即前四歲孤

伊余髮未燥吾父成求訣吾母年廿四誓死礪苦節王  
父與王母衰齒且耄耄官吏時在門譙呵常不缺東隣  
羯羴兒乘隙相媒孽踰行十二三視我如蠓蟻父柩在  
中堂母時爲泣血亡何祖父殞祖母亦已歿熒熒母與  
子不絕纒如髮二十遊鄉校慈顏爲稍悅屢戰輒不利  
一臂曾九折丙子我三十乃登賢書列再舉入明光西

山看積雪歸來葬我父炎暑適六月母也哭之哀肝腸  
爲斷絕剖符入陽曲太行何矼碑詰曲羊腸坂車輪摧  
相軼邊城紛如蝟亥象見伏鬻涿鹿多戰馬秦關飛金  
鐵短衣夜乘陴蓐食在城闕母氏鑑兒苦相對時哽咽  
一病悲護摧奄忽千年別鄉國路難通平陽勒短碣五  
載徂寒暑隙駒只一瞥間關達故鄉遄迴去楚粵今年  
歲在辰仲冬已凜冽卜吉啓父壠葬母於同穴楸松溜  
霜皮萬古一丘垤

社日思先壠和

大人廬次詩

附始博

陰陽運轉轂逝者遞相徂去來爲哀樂所見但一隅  
昔日王侯墓零落穴兔狐誰爲黃腸轅徒侈雲霞車

讀李詩集卷四五言古中

二

淒涼笛悲呂蒼茫劍挂徐萬古如長夜蟄藏無昭蘇  
笑嚇鴟雛鴟欲兼熊掌魚何況閭市人寄宿如蓬廬  
蠅營而苟狗攘臂藜五都羶附誇捷徑羊腸終崎嶇  
森森栢鬼庭未聞禳茱萸水自別淄澠壤宜差墳壚  
白非浴而鵠黑非黥而烏昔日汪洋者熯然塞葑湖  
進退籓中狴局促轅下駒人坐自窘耳曷思完厥初  
先公恥雷同剽襲嗤僮奴舉止自羞澁帷車閉新擘  
因之自豎立嶄然見頭顱銜勒弛生馬赤手搏於菟  
不屑耳爲食寧肯糟是舖迫欲昭宋聾曷啻疾聲呼  
俯視吠聲輩瓠肥終腊枯所以千載人立意不妨孤  
明發耿不寐罔極悲永訣春秋條變更幾歷寒暑節

氣摧髮先白心憂貌如耄春秋上丘壠今已十年缺  
吾母手植栢種爾自牙孽護惜加溉灌風雨視蠖蟻  
淮南蠖蟻素而雨望而風痛念祖母亡一植一淚血萊莢荈荆榛鹿豕

所出沒植根幾如困易葉纔若髮跪拜告祖母如奉  
慈顏悅伐木作重欄殷勤防踐折羣盜逼西山蟻虱  
縱橫列爾時耕稼稀麥種未濡雪離城將百里母住  
每匝月今我困一官南望堪痛絕渾河朔塞來濁浪  
高砢碑顧步駭呂梁蹇足競摧軼大鵬伍斤鷄驛騶  
笑跛鼈囊無長袖金案對短檠鐵朝朝瘦馬塵跟踰  
向雙闕昨日遣人歸封書對嗚咽大鳥戀故巢迴翔  
不忍別蟬吟響林垆苔篆上碑碣歷歷記夢中雲爾  
風花瞥強作莊生達肝膽視楚粵社公雨濛濛怵惕  
心凜冽誓將歸故山無爲戀枕穴試看兩蝸角何殊  
一蟻垤

鄧東郊

到此日亭午黃鸝灌木多麥隴野煙直蒼槐碧玉柯四  
月連陰雨沙灘漲白河馬武塚纍纍雲臺空蹉跎麒麟  
風雨夜獨立向中阿慣是白楊樹盍旦結成窠

與浙川陳熙徵話舊

伊昔丁丑歲避亂入襄陽僦居一間屋修竹夾短墻市  
兒無相知鬼魅日成行西山多盜賊干楮何披猖寂寞  
習家池誰與共一觴陳子浙邑來軀幹似我長胡髯豎



如戟蝟毛磔而張連袂歌大堤爛醉笑葛疆別爾十五  
載天地忽滄桑我尋嬰世網貝錦織成章腰褭每啣蹶  
平地多呂梁歸來尋舊廬濁醪滿槽牀六月炎蒸日子  
來登我堂攜兒年三十驢背負奚囊爲言亂離後重爾  
走他方幾死憐張祿大索脫子房所餘老皮骨鬚眉愈  
蒼蒼慷慨勿復陳東菑有舊庄香糯白如脂遶池菱荷  
香時平催科緩閉門著老莊

聞定南戰死

三韓毓瑰瑋長白產奇英安具天人表功成帶礪盟蹶  
張有殊材學敵萬人驚早從毛將軍海外蜚聲騰拊髀  
烈皇日知王儷韓彭王不事權貴意茲謗相乘黥布終

讀史詩集卷四 五言古中

四

棄楚王猛來咸京托王如心膂眷王乃股肱按圖上方  
畧出奇斬長鯨威名田橫島始事萊陽城彎弓三百石  
十萬可橫行一錢程不識人奴真衛青維時戊子歲六  
師自南征渡瀘還五月飲馬過洞庭三苗無固壘京觀  
築朱陵王來瀟湘濁王至瀟湘清軍食鷓鴣鮓再勒武  
岡銘槃瓠安遺種鬼方不用兵璽書曰欽哉百粵連南  
溟維王鎮撫之草昧以經營王也安反側巢穴一時平  
崑崙失其險尉佗撒燾迎磐山茉莉發荔枝爍眼明驛  
貢丹砂細人披白葛輕不須張博望無用馬長卿行看  
昆明關重譯皆來庭蜂蠆流其毒魁宿歛然興鷲伏看  
乘隙虎視久已萌象兵千萬隊噴火如雷霆人馬失枝

梧列缺相砮訇王也厲其勇猛氣愈凌競熊羆五千士  
搏擊如蒼鷹衆寡既不敵重圍復數層昆陽瓦屋飛淝  
水風鶴聲王曰天亡我飲血不欲生身被十餘創拔幟  
猶先登所殺亦過當嚴關陣雲崩王乃入城內焚燒其  
朱甍手自刃嬪嬙宮中聞血腥佩刀尋自決山河氣嚼  
嶸炎州失半壁猿鶴沙蟲鳴壬辰之七月軍營墮大星  
時在襄陽日聞之趙中丞憶昔住芝山篝火遍櫬槍王  
旅開全楚秣馬到湘蒸相遇成國士文錦五侯鯖夜即  
方多事黔撫當前旌自此沅陽破戰骨如山撐雖然罷  
官歸實王再生成繫馬桂林日南遊歲在庚每赴名王  
宴醴酒琥珀盛塔前百虎士皆爲太真擎夜半側前席  
密語達五更爲之疏前事中山謗莫盈別來已三載白  
髮種種生蹉跎成衰謝半世空飄零未死慚知己涕泗  
淚縱橫

壬辰襍吟

白露團堦墀鞠花開滿室順治今九年又見重陽日隙  
駒無漸次跳擲雙丸疾憶昔汾陽城邊沙吹齧策北堂  
此日傾太行崩峯律瞥目十寒暑短髮不如漆每至登  
高節魂魄如相失灑淚向秋風四壁聞蟋蟀

春里居寄懷薛祭酒行塢

癸巳

憶作京塵客西山看積雪君爲帝者師名德震九列醉  
君玳瑁筵華燈耿明滅夜半呼索郎指天見伏鼈未幾

我南遊風烟跨楚粵脚踏蛟龍窟手捫虎豹穴百戰竟  
不侯壯心成九折塞裳賦歸來無復口中舌望望燕山  
雲音書久斷絕豈不念長安舊交心如結惟有薛祭酒  
肝腸爲獨熱

哭河東副使王大羣有詩

予交海內多矣未有如王公父子之愛予者客  
歲孟津先生死予往哭之今河東長公大羣又  
復告變嗚呼痛哉予湖南戰寇以來鬢爲枯飛  
揚不復故態昨春自弘農走三鴉路雉城山中  
憊甚苦復不任鞍馬行且老矣不能復哭於其  
第爲作詩以代誄命兒子往奠焚之太公在時

讀史詩集卷四十五言古中

六

喜禹峰作大羣試往質太公地下共讀之嗚呼  
痛哉

去年三月中我在君家屋爰雞走千里旅淚傾十斛憶  
昔鼎革初鐵馬太行麓避地入東南相將以其族惟時  
爾太公繫馬在淇澳攜手入齊魯五兵相馳逐白浪湧  
金山夜半擁爐舳冠來亂如麻江聲霹靂感我時嬰重  
創幾飽江魚腹公等出死力勿爲鯨鯢肉或爲蘆中人  
或爲白龍服一葉過錢塘相與問天目太公乃宣麻舊  
物號光復將纘東晉烈或踵南宋躅神州忽已沉運適  
丁百六庚信成羈旅江總復見錄著述數萬言所遇良  
不淑前年歲在卯捧詔入秦蜀峨眉看與太華凝作杖頭

綠萬里寄尺書訪我襄江曲風雪漢皇城太公病以篤  
八騶何郎當沉縣入邾鄆維昨年孟陬太公乃就木宣  
尼忽絕麟賈誼已賦鵬聞訃寒食時仰天爲痛哭海內  
喪厥鼎中原失其鹿李白歸唐星蘇軾還奎宿登堂徒  
徬徨生芻纔一束時君來河東揮淚對短燭別來十寒  
暑歲月如轉轂兩鬢多蕭疎而我尤碌碌君年四十強  
已自建大燾殺賊立奇功太行爭蠱蠹是時君家弟身  
猶寄北陸排闥叩閭闔天顏爲洞矚特遣大行人祭葬  
勞史祝峩峩太保墳乃是將作纂自別君南歸雕鞍跨  
雙箠每望孟津雲擬山園裏竹胡爲曰改歲春律滿幽  
谷偶從將軍所接得太史牘鵲鳩感在原謂君忽不祿  
斯人竟早折百身不可贖將謂天道何宜男或遺腹手  
執太史書雙淚忽盈匊四海誰知已君家父子獨不應  
一年中奪我何其酷

麻將軍駐鄧

西山蠹羣盜荒城邏戍卒雕弧大羽箭駮駒千餘尺雖  
未曾出師駐劄三百日馬旣戀棧豆人亦忘家室遙望  
洞庭南北軍吹簷策房州復割據近報竹山失居民疲  
奔命苦無點金術朝廷詔寬大遐荒豈不恤何時洗甲

兵四海歸寧謚

癸巳燈下走筆贈馬雲孫

是日遊南寺微雨下石榴紅焰發丹房黃鸝囀墻頭剗

羊醉嘉客肥，荈佐金甌別。久不相見，百壺難消愁。剪燭  
猶卜夜，擣蒲喧更籌。窻外金琅璫，浙瀝不肯休。醉後歌  
烏烏，擊缶襍箜篌。邵陵正用兵，房州羽書稠。杜甫悲陳  
濤，花卿不可求。骨白蒼梧山，血湧瀟湘流。蟻虱敗王畧，  
天子念懷柔。亂離人欲老，蹉跎兩鬢秋。稗澗思故舊，中  
原走兜鍪。鑿種我南山，田典我驕驍。裘茂陵誠已病，驃騎  
何須侯。眠蠶凋遠桑，布穀呼東疇。手攜劉白墮，岸幘問  
糟丘。

申將軍自鄧歸淮陽用陸機送馮文羆韻

樽酒白牛津，遙指大江南。之子行將歸，故山有所尋。嗟  
惜憐宿將，兵符爲世欽。三靈旣改卜，輶輜到河陰。羽戟  
空中亂，天塹未爲深。角巾歸茅屋，遠遊良苦心。時作仲  
宣賦，或爲莊舄吟。花洲暗朔雪，贈別媿雙金。來年春草  
發，耳熱聽車音。

讀史襟吟 甲午春

頗牧趙良將，相繼死郭開。信陵何人斯，酒色沉英才。秦  
政亂鮑魚，趙高爲禍胎。至今長城下，冤鬼哭如雷。魏其  
禍，武安賓客安在哉。灌夫與之俱，意氣何崔嵬。  
陽翟商賈行，邯鄲歌舞鄰。佳姬不復惜，奇貨居異人。干  
金爲結客，飽裝入函秦。吾兒旣已誕，顧乃適體鱗。此物  
非常兒，嚙父口斷斷。胡爲效尤者，乃有楚春申。倚彼李  
園妹，爲作楚王嬪。兒旣嗣社稷，父復掌絲綸。一朝時會

改赤族染朱輪

平陽有歌兒雙袖舞驚鴻朝侍平陽邸暮聽長樂鐘  
椒房連衛霍推轂錫彤弓旌旗臨絕漠京觀何穹窿亦有  
李夫人兄弟未侯封因遣惡少年以成貳師功戈船百  
越下璽書朝鮮通人醉葡萄酒馬嘶首荷風樂府傳都  
尉祠禱登崆峒安期食巨棗黃帝騎髯龍文成隨殊死  
五利復鮮終神仙旣已矣巫蠱起江充帶劍一男子大  
索長安中子豈盜父兵藏匿湖以東嗟嗟空自經累及  
主人公雖作望思臺莫慰白頭翁庶幾輪臺詔惻然省  
厥躬

讀李詩集卷四 五言古中

九

聶政縱累俠得姊大名垂荆軻入西秦枉殺樊於期不  
明於劍術非關舞陽兒亦有魏公子能解邯鄲圍何以  
殺晉鄙朱亥袖中錐云胡一虞卿解印急人危此人固  
不識安用賣漿爲魏齊頭顱盡燕丹宗社墮如此稱俠  
客悞人良足悲

黃霧四塞日漢家封諸舅飛燕旣已入歌舞爲皇后啄  
盡宮中兒木門倉琅朽定陶賄昭儀得爲成帝後丁傳  
繼喧赫幾出王氏右巨君爲齒冷斷斷日以久亡何羣  
燕飛銜土哭培塿馳詔新都至漢鹿從此走孺子來中  
山臘日上椒酒火德不復燃禍水實文母位號移他人  
區區握璽綬

漢統垂三絕劉向多讜言身死十四載王莽篡至尊狐

媚取天下穢德腥乾坤茫茫九州土謳歌思漢恩或爲  
陳咸臘或爲龔勝魂安衆起通侯東郡出相門赤符應  
有主猶自歸王孫

谷永或附鳳揚雄亦美新歆也旣無父譚也失厥身稚  
圭以專地黜免豈無因名儒重孔光老死貪朱輪禹好  
肥牛亭愛女亦上陳年老子孫弱曲意獎篡臣如何文  
章士偏爲狹邪人權奸得黨附竟厄曆數屯經學兩不  
媿更生乃絕倫

兩漢紐絕日天意苦蒸黎神奸竊大統九鼎如肉羶先  
爲安漢公繼惟董太師妖狐憑帝座股掌漢家兒巨君  
旣拔舌鄒鳩復燃臍劉氏真再興火德乃重熹或在太

河北或在益州西

劉虞旣已死義烈見田疇哭墓辭之去伯珪不能留子  
源天下士徒跣救雍丘所志良不遂一死復何求陳琳  
檄曹瞞許攸賣冀州棄王如孤雛反面事讎仇翩翩彼  
二子偉哉莫與儔

中原方雲擾偏霸以成功竇融圖河西公孫據遼東融  
尋歸光武勲名列上公淵也恥曹魏窮蹙大海中亦有  
晉室亂豫且困白龍張軌保涼州三世表純忠流民起  
梁益成都帝李雄或以田橫死或以佗尉終歐陽十世  
家割據將無同

牽招哭袁尚脂習哭孔融孫峻殺諸恪一門嬰克鋒臨

淮無臧均棄如腐鼠同王經死東市鍾會復鮮終隕涕  
爲收葬惟有一向雄

黃皓用西蜀東吳進岑昏社稷旣淪胥輿襯出國門丞  
相旣有子先主復有孫石頭一片地慚無忠義魂

潘岳徒乾沒構成愍懷書生平躋進人乃託奉板輿張  
華喪博學秘書三十車亾何中台圻竟忘天象殊二陸  
雲間士才名壓東吳戀洛胡不歸唳鶴雲間孤何如張  
季鷹蓴羹食鱸魚

洛陽有小吏容止一何妍納入簾箱中香湯洗少年樓  
闕多好屋綺食錦衣鮮烈烈吹朔風河洛起飛烟獻容  
泰山來衣中赤火然留臺幾賜死金墉仍苟全一辭弘

讀晉書卷四十五古今

十一

訓宮黃沙摧朱顏不思司馬兒搖脣劉曜前

彥威著晉論竟接漢家年除却魏三恪阿瞞不足傳力  
病歸襄陽豈肯事苻堅野民來姑幕百家實精研累官  
秘書監篡竊值桓元况復有寄奴晉祚不其延遺老徒  
悲涕收淚復何言

謝家秘書監好爲山澤遊構患來太守一朝乃見收作  
詩良悲憤投軀入廣州高才多放逸陵忽起戈矛何如  
柴桑叟爛醉死糟丘

豫章雷次宗好學隱廬山被徵建康來巾幘侍天顏開  
館雞籠上車駕時往還一朝舍之去不入給事班卷舒  
真自如高風不可攀



魏主受符籙拜道靜輪宮下不聞雞犬上與霄漢通崔  
浩實勸之億萬費人工如何鄙佛教經像一炬中沙門  
欲盡誅長安流血紅金人何不幸天師亦以雄智能測  
敵國不能庇厥躬

道成破休範實惟張敬兒及其襲江陵又復擒攸之大  
敵旣已殲九鼎遂以移晷腹是佳朔龍箭中其臍即此  
是禍胎蒼梧嗟何爲

邊榮感舊恩不諳敬兒降臨刑何慷慨談笑雪刃劐秦  
山程邕之抱榮泣數行意各爲其主與之俱存亡一時  
同見戮義烈動荆襄俠骨千載後江漢流湯湯

劉業荒淫日乃有壽寂之蒼梧尤不悛復惟玉夫隨射

讀史亭詩集卷四 五言古中

七

鬼竹林堂織女渡河時吁嗟李將軍喋血滿宮闈神龍  
豈不尊捕之如狐狸天意一何酷好還諒如斯順帝出  
別宮何用淚漣漣不記曩時事取之司馬兒

順帝禪齊日不願生天家王儉解壘綬出乘畫輪車琨  
也攀獺尾痛哭淚如麻彥回何披猖謝朓良足嘉更有  
裴河東奇節高嵩華寧爲宋臣死齊粟等泥沙

劉祥譏禪代慷慨見乎辭雖以宋書禍不愧穆之兒褚  
賁何矯矯身恥父之爲南康旣已死讓爵不復疑同一  
感宋恩明德良自持繩武與蓋愆百世想見之

敬兒爲開府阿弟居冠軍已知遍體熱薰灼不忍聞見  
收華林園貂冠竟誤身一朝消息至席卷入蠻雲衛身

惟明哲禍福早已分趙宗胡不悟諮議徒紛紜越嵩竟  
賜死咄哉實自焚

劉裕毒恭帝道成殺汝陰轉眼六十載逆戈巧相尋司  
馬無遺種寄奴族亦沈大物原不祥灰屠良苦心作法  
實昭炎報施如轉輪自彭城以後天道全如瘠

山陽禪位日二女釐降之上表彼何人李伏與許芝揚  
彪漢老臣不肯作台司陳留入金墉太傅爲酸悲卓哉  
司馬乎獨念當塗隳寄奴殺零陵詔出傅亮詞遺老剩  
徐廣淚下如綆縻鬪將刈汝陰築宮衍宋時衛士殺丹  
陽宋種無復遺淵儉稱佐命俱是公主兒王琨哭畫車  
何點青史垂奸雄眞接踵吞剝如相師羣小安在哉古

### 道照鬢眉

黑獺入晉日瞻視原非常六渾欲殺之此意獨徬徨蹉  
跌舍之去凌厲不可當長安迎孝武旣而仍相戕元魏  
成東西洛陽爲戰場關西與鄴下戰骨齊北卽兩主若  
孤雛二雄各鴟張拓跋自此衰豆分日披猖貽戚者誰  
氏胡后實天殃爾朱亦已滅河陰事茫茫

高歡旣已死侯景隨以叛宇文不受愚蕭衍墮其算朱  
昇爲先容臨賀復內贊木驢蝦蟆車建業遭喪亂庾信  
食甘蔗棄軍如鼠竄羊侃差不媿精誠天日貫烈烈裴  
豫州垂涕爲定難復有大都督依稀識韋粲

正德叛梁日侯景立爲帝歃血盟臺城長圍日相綴援

軍數十萬統一無復制諸王復相螫北魏乘其敝淮南  
既淪陷江陵尤吞噬金甌亦已缺捨身不獲庇嗟彼八  
十翁荷荷無良殪野王不顧家白華氣亦銳庶幾僧辯  
來霸先為盟誓一舉石頭清湘東稱萬歲

興國篡梁統勒兵入宮中沈恪為將軍忍死不能從江  
陰隨見弑天祿亦已終張彪既赴義黃蒼知効忠厚祿  
恭蕭氏覲顏佐命功轉瞬三十載隋兵入江東掇陵焚  
其骨飲灰盪元兇僧辯猶有兒報讐抑何雄

高洋作齊帝窮理為淫虐殺戮傾諸元爪甲滿溝壑雅  
舞三臺巔刀鋸恣狂藥楊愔供御囚桃枝為鼎鑊及其  
臨亡日慘然反不樂憂及正道兒常山或相攬試問痛

哭誰非關羣臣薄

讀史亭詩集卷四十五言古中

十四

侯景破建康九鼎忽沉淪二帝既遇害湘東起逡巡西  
魏復吞噬蕭譽稱賊臣霸先竊江東篡割禍相因伊誰  
問宗周王琳乃致身縞素哭三軍獨捲長沙塵既發世  
祖喪復立承祧人九江為震動灑血溼浦津所志既不  
遂忍辱入北鄰誓欲吞三吳蹉跌死壽春頭雖行千里  
心實照三辰典午既已滅當塗亦已湮徐廣與馬孚矯  
矯固絕倫

李密傳首日世勳哭黎陽三軍盡縞素誼為故主傷楊  
廣死江都宇文何披猖惟有一陳稜葬柩吳公旁一為  
亡命子一為天下王得失在人心哀樂豈茫茫

楊廣去江都元感起風塵鐵脛與銅馬遍地成綠林李  
淵在晉陽私侍多宮人裴寂實國賊懼禍造戎心化及  
已圖儂魏公據洛濱旣斷關東路偏師直入秦九鼎已  
有歸王竇復成擒遼東勿浪死悲哉徒荒淫

叔子

羊祜在襄陽伐吳謀乃成將帥進譎計飲醇醉以醒不  
敢曰稱兵陸抗在西陵酒藥相贈答交際何頻仍非待  
陸抗死此事方經營成志有張華當局爲推枰益州王  
刺史艦下石頭城曠世茲一事人傳杜預名以上二三  
子稱舉良非輕策書告祜廟唾手建業平以此報明主  
不須臣自行今看峴山下片石千載情

元帝

元帝江東日偏安稱至尊與馬共天下乃出王氏門茂  
弘專機政征討屬王敦賊子本無賴稱兵入九關慚然  
石頭城血流江水渾賢哉下大夫有兄弟與舅誰持安  
東節默默無一言坐致伯仁死負茲良友魂賊敦不足  
誅薰深負國恩晉網漏吞舟地下愧劉琨

桓溫

桓溫伐燕日五萬至枋頭慕容非其敵行看一鼓收鄧  
羗從西來投鞭殲澠流況復南軍饑犇陸焚其舟輜重  
與鎧仗堆積若山丘邀擊復譙郡苟池展壯猷此事非  
袁真溫也執其郵史氏傳直筆孫勝作春秋喪敗豈偶

然皆出王猛謀當溫入關時披褐鮮其儔悔無知人明  
常抱敵國憂

子儀

懷恩抱病死賊兵圍涇陽回紇與土蕃二家爭雄長維  
時郭令公衆寡不能當免胄見葛羅健兒爲投鎗與回  
紇定約厥功在大唐脇之以危語葛羅不能傷反與我  
合兵追逐出塞疆結好與畏威葛羅計之詳此事關權  
謀光瓚贊其傍忠信能感動迂哉胡致堂

代宗幸陝日子儀入咸陽洒血諭將士旌旗一飛揚全  
綰到藍田大軍來自商吐蕃失猖獗駢奔氣若狂維時  
李臨淮高枕江淮倚置母於河中不復念高堂遺棄在  
君親忠孝已斯亾如何千載下李郭得齊芳

讀李詩集卷四 五言古中

十六

二十

羅隱說錢鏐舉兵討朱溫身不過於唐猶自念舊恩亦  
有蜀梁震歸君過荆門季興欲官之白衣恥華軒止稱  
前進士不復慕高鸞矯矯彼二子芳躅不可攀

真卿富弼

真卿使希烈富弼到契丹一以獲死所一以得生還盧  
杞及夸簡不同者賢奸中傷與銜怨厥病則一班乃令  
千載下二公以此傳諛骨亦已朽丹青照紅顏

萊公

寇準方繫馬丁謂已治裝雷州與崖州止隔一堵牆故

人來天上何日發汴梁司戶差不惡爾我官相當家人  
苦多事縱之六博場主人不會客移具有蒸羊天道不  
可誣報復亦其常誰似公安竹年年抽笋長

四皓

秦鹿漢逐日靜臥商山陞干旌不能致采采山之芝  
履帝廷策立漢家兒此計本留侯呂后嗾成之公等  
皆安在顧笑聆言辭羽翼自此成楚歌聞者悲後來劉  
氏種不絕幾如絲何如建長策葛藟庇本支早制諸呂  
橫毋待左袒時舍此不復言毋乃見事遲子房尚如此  
四皓不足嗤嗟嗟圯上篇空稱帝者師

相如鑿齒

讀聖詩集卷四 五言古中

十七

相如歸成都垂死著封禪鑿齒論漢晉力疾以待獻意  
在侈雄主學仙與好戰太山梁父間古來香火院况夫  
漢室亡三國競相煽丕德帝室裔巴蜀猶赤縣繼漢不  
繼魏習生千古見但求逢世具相如何足羨

敬通孝標

身自操井臼曾聞馮敬通孝標為自序軾軻與之同悍  
媪如鷹鷂丈夫失其雄二子顧賢達遭逢如此窮倉庚  
可治妬乳酪倍其功當時非乏此胡為困兩公

許皇后詞

妾本滂穢質生長在茅屋少小事鞶組書史手親錄一  
自克後宮璽綬炫笥籠寵遇冠椒房光輝在九族何乃

壬寅日明詔太相促陽平既不佑

本傳許氏自知為鳳所不佑

安能比親

屬灾禍嫁妾躬彈者徒反覆本有竊國徒不敢一語觸區區奉減省掖庭甘樸藪歎息欽求輩空為鷹鷂逐

### 鄧惲

惲厚董子張為父報厥仇子張當垂沒歔歔淚交流視惲雖不言惲領知其由起而遮殺之笑取仇人頭子張可以死有病不須瘳茲謂生死交曰手而不憂

### 光武廢后

光武廢郭后或言累盛德歸然中興主况為萬古則試觀呂野雞姦穢漢家賊誅鋤半朝廷殲劉如不克非平勃諸人大軍收南北產祿苟乘權卯金運已厄子孫尤効之大奸焉能殛所以十世間政柄半中闕及至新莽世外戚遂移國懲此能無憂除惡無回惑後來賢后多馬鄧無纖慝雖曰天性哉亦得作法力黜呂陞薄后與此同一識

### 虞卿

虞卿解相印信陵亦不識驚問何如人侯嬴乃在側斯人萬戶侯伊昔秉趙國白璧與黃金談笑之間得解印急魏齊亡命來河北稔知信陵君欲見公子色况復天下士賢者不可測乃知信陵容強半侯嬴力

### 卜式

欲討南越畔輒爵關內侯若果平南越此德何以酬卜

式喜功名武帝多權謀輸財貢縣官自是桑孔儔咄咄  
牧羊兒勿爲敗羣憂鹽鐵與平準視此輸一籌

送張亮伯歸泗洲兼寄訊黃無技

我有四方志世人竟不知迤邐三十年華髮照接羅樓  
樓以終老義馭不我遲婆婆娑故山側白酒醉黃鸝左手  
牽雞翁右手牛醫兒昆明未收復羣盜尚五谿王旅自  
南征百萬振熊羆豈不愛匡襄厄羸無能爲之子來泗  
州瓌璋多殊姿頰毛二尺長負軀良不貲胡爲徒碌碌  
急之勿失時或題日南柱或勒燕然碑景畧佐苻秦江  
左或賴之崔浩尤佳士聲名在絕陲爲我問黃石學須  
爲帝師子房惡少年儉哉博浪椎

宋小菴詩

讀史亭詩集卷四 五言古中

十九

野人有茅屋乃在岵山陽儲粟多酸棗老鸚呼白楊香  
稻七月熟飽儲鴿鷺梁授兒毛鄭詩臯比坐講堂勿逋  
縣官租里社封肥羊瓦缶有濁酒老少互爲嘗厥名曰  
刺麻醉來倒衣裳擊壤歌烏烏於菟窺短牆寄言謝於  
菟爾是獸中王無啖我雞豚我將適他方

送菊溪觀察金陵

以下常寧刻集

之子適南國鳴騶過我園健兒腰弓鞞春郊大旗翻漢  
水漲桃花兩岼長芳蓀解纜夫人城簫鼓振襄樊雄風  
吹大別彭蠡勢崩奔疇昔形勝地王氣鬱吳門石城何  
巖巖潮聲靡朝昏大吏來京兆氣奪三山尊酌酒弔仲



謀撫膺思王渾彈指六朝間寧復幾人存 今皇開寶  
曆江左接中原東南財賦急亂後訟獄繁外臺簡名卿  
推轂式臨軒 天子曰欽哉惟公慎平反哉哉古方岳  
萃蓋擁朱轡鯨鯢方鼓浪海上多游魂唾手成功日捷  
書報九關

送徐漢輦之白亭

我昔年二十疋馬走於村萬山巒岈裏麥田雉子翻中  
有渣岈山歷斗躡天門我友徐漢輦病足臥丘園百城  
擁圖書薜荔紉芳蓀攜手看青杳幽篁倒金樽別來滄  
桑改海水飛乾坤人生逢陽九白日壓崑崙中原豺虎  
多天風捲蓬根萬里嗟霜鬢長征傷旅魂里居復十載  
燬屋醉瓦盆每望岵山嶠紫蓋映朝暎故交成星散生  
死未可論今丙申二月時和天氣溫將子丹江來薄暮  
及我闔審視不相識耳聾雙目昏案頭傾濁酒意氣殊  
騰騫我行遊南楚磨楯事戎軒梁益方跋扈牂牁江水  
渾九有勤式廓宵吁勞 至尊近日飛山戰武岡蒼象  
奔子老多奇計何以贈我言

沙陽觀馬公堤

馬名達阜都人堤  
竟三里費金三萬

沔水來壻冢蜿蜒下武當欲歡歎檀溪畜怒勢彼猖爰  
爲築大堤迺在襄之陽又屈注而下地卑沮洳場羣水  
繁厥族秋夏恣汪洋摧堅陷鐵牛金堤爲蹶張盧羅半  
魚鱉章華蛟龍翔吐金兼納柘蠻府竟茫茫我公顧而

歎削牘上明光御史與中丞一時相連章帝哀此昏墊  
命公爲之防泥塗成歲月辛苦爲備嘗朱提三萬兩虹  
霓十里長百川歸大別赤湖化倉箱覘此荊州土包茅  
貢尚方昔者胡公烈補缺多遺芳至今景元史人傳太  
守良我公今繼之鄢郢兩相望千載馬南郡江漢共湯

湯覘音麥  
相視貌

### 自岳抵潭舟中述懷

朝發大軍山暮宿節度石天水相冥緬萬古蛟龍宅君  
山向我笑毋乃前度客蒼梧未解甲哀牢方辛螫潭州  
百萬師猶自職方隔君胡事遠行赤手縛鯨額酌酒謝  
君山饒具綏邊策男兒生五十安能常困阨我欲靖朱  
方越裳來重譯九真稱外藩臝國歸圖籍長嘯入嵩洛  
不願九州伯

### 長沙雜咏

朱方冒隆暑金石真可灼喘息臥方床無計出炎燄湯  
泉入幃幕火山近城郭層冰何處尋團扇徒揮霍蛟龍  
渴欲死陰陽竟舛錯府主熱山川土龍被丹雘望望祝  
融高松栢枯萬壑

地既苦卑溼天復苦炎熱王師住城中萬甲明浴鐵北  
馬氣不蘇嚙音吸象貌嚙  
霰見洞簫賦霰多蠓蟻莖豆雖有餘雲錦只暫

列駿骨何硯礪蘭筋化蟻垤昆明猶待開佗尉尚未滅

當宁勤南顧幾盡大宛血

時北軍  
多馬死

潭州雲霧後空青見嶽麓徘徊公解中夙感傷心目戊  
子徐將軍此中建大纛羣寇西南來飛蝗十萬簇三匝  
蕩危城晝夜閱十六霹靂碾地開衝棚如電逐城下鼓  
角鳴城上陣雲轟將軍氣愈銳挾纊慰戰瘡我時勒默  
兵與君力相戮熊羆一以奮鼠鳥各竄伏我旣拂衣歸  
君作辰陽督豈知衛霍功竟成張許續一別成千年人  
代何其速我來重遊此傷心問前躅甲第開新府琅玕  
搖舊綠

事在戊子冬

星沙古內城不知何王築翎甍如鐵石膠漆貫其腹中  
有殿五楹直與雲霄轟珠簾白玉階翡翠映華燭上巳  
祓禊晨寶琚照嶽麓賊騎捲江來王孫共魚肉紅顏不  
自保偷生草間宿一朝零落盡深宮聞鬼哭眼看睥睨  
平化作千家屋

長沙贈部凌玉時以提學罷官遊白下

嚙膝困捕鼠山雞欺孔雀高才不任官此理誠不錯湘  
潭逐屈平賈誼定落魄王楊無貴仕翕赫或衛霍古之  
卓犖人強半在巖壑斥鷃戀棘叢六翮翔寥廓犧牛讓  
泥龜亢龍學尺蠖龐公隱鹿門劉表不能攫樊英不仕  
漢張翰終去洛賢路有崎嶇禮法多枘鑿我昔困世網  
十載臥猿鶴著書良已多鄰酒恣大釀烹腥與啄腐爭  
似飽藜藿今日走炎荒又被微名縛回首百花洲惆悵  
不如昨

湘舟大風

丙申七月

開舟已七日尚自困喧卑凍雨忽作惡秋氣兼以悲  
鼉欲成梁虎豹復追隨簌浪大於陵兀嶮學九巖奔崩  
散頽音鉤頭頽大也砭音玉齊頭貌銀漢相差池旁唐一舟中五色失威  
儀豐隆怒不解黯靈惱雲師谿囁音輟與銜相噴薄列缺  
如燬吹稍得進北岸篙工理柁維繫纜蘆葦間方悟向  
者危

前日長沙城正值三伏日朱鳥罹昆吾蒸鑠無可匿將  
謂祝融峰墮落在我側孤舟入湘潭再看衡山色是時  
七月中秋氣忽蕭瑟素威一以壯箕伯驕其德况復陽  
侯怒鼓浪天爲黑洑灑沸湯中舟中成敵國黃頭號最  
能撇捩盡厥職蝨蜒良自喜尺璧不可得涉川以忠信  
長年或能識

黃荅詩集卷四 五言古中

五三

丙申長沙逢初度忽驚五十二矣援筆記事傷如  
之何詩用元美五十舊韻

華顛何匆匆撫躬五十二踉蹌無所成惡焉愧身世伊  
予命不辰失怙纔四歲母稱未亾人撫孤延先祀霜雪  
歷諸艱惟恐箕裘替稍長受一經俛首函丈地機聲雜  
絡緯剔燈攻六藝嬉逐同學兒引將濁醪嗜一醉十餘  
日沉酒無所忌母不忍尺箠甘言繼以淚雖復對盤飧  
殷憂或不食予時但頑冥鮮復解人事庸調急追呼門  
有歲福更總角遊膠庠冠軍輒小試作賦入大梁鄒枚

羣相至三敗困曹沫鹽車軌騏驥丙子登賢書乃騁燕  
山轡下第感劉蕡襍被促歸騎流氛血中原寺人稱元  
帥賊既多猖獗兵復少節制丁丑二月春穰城忽崩墜  
白骨撐如麻黃金耀旌旆六親半成鬼田園但拋棄老  
母時鄉居藏身走蘿薜懷抱乳下孫百方爲安置血屬  
幸保全敢曰邀神惠降亂雖天心豈非人所致銅馬日  
跳梁貔貅恣狂悖拉朽陷名城將軍皆辟易山陵玉椀  
出王孫珊瑚碎庚辰醉曲江錢鈔尚方賜逐隊進賢冠  
光采都人視文字重雞林黃金買上駟曳綬入并州恒  
山亘幽冀是曰古堯都唐風誠已細晉陽弔尹鐸黃沙  
笳聲吹祿養曾幾何反成終天罪是時賊踞秦先聲凌

晉魏菟裘旣無所爲作南征計豈謂爾朱榮公然睨神  
器龍去泣鼎湖苞桑無所繫義旗起東方一雪普天愧  
談經入舊楚相山種蘭桂持節過洞庭鞭笞牂牁際誰  
謂嬰世網齟齬當道意虞翻昔有言骨體原不媚雲臥  
忽十年救時慙無技倉猝別猿鶴寸心實惴惴卻掃丞  
相門一官母乃贅徒來北山移未遑室人晉繡弧滿潭  
州客身猶如寄邇者辰陽捷露布傳賊退飲馬入昆明  
銅柱看再植 今皇勤遠畧鬼方能不畏時序感如流  
勳業無所詣鴛鷺本盈朝紛紛持國是徒手無斧柯拊  
髀良足喟

象牀臥雕弓佳客集瑇瑁四座薰風入岑牟飭新隊嶽  
麓雨氣深湘烟濃如黛玉蛆泛叵羅格五爭行簞笥鳥  
相爲啼簷花呈異態把酒問將軍昂藏饒敵愾兩踏都  
護城三出光祿塞醉後解厠踰血痕猶在背

禁旅來燕關更番十萬騎雲錦張南國離衛沸歌吹潭  
州百粵喉上公作元帥智高方反側雍闓猶攜貳節樓  
日旁午雞翹紛如織實厖廟堂謀未規疆場利武庫來  
精甲燭蠡資糧糈茫茫金沙江使者方攬轡夏屋開綺  
筵清溪傍古寺蘭綺勃盧明楯瓦列成肆蚤策尊占勛  
舍爵歌飲至

耒陽龐公祠詩

讀臺詩集卷四 五言古中

五

炎德方灰燼中原起臥龍西川建大議况復有龐公胡  
不念河洛因而棄江東劉璋亦同姓掩襲如囊中立國  
四十年大耳誠梟雄蜀賊始法正繼之乃張松貪作小  
朝廷曆數失厥躬典午與當塗相繼竊寶弓煌煌甄官  
壘竟入洛陽宮涑水作通鑑其說將無同紫陽爲反正  
萬古開羣蒙所以甚曹馬小宗續太宗豫州失機會龍  
鳳相始終我讀三國志歎息眞無從茲來桂陽郡仰止  
欽高風下馬拜荒祠歲戌孟冬殘碑蝸牛篆堦前木  
芙蓉不見盈樽酒空聞隔寺鐘翹首望成都鳴琴記舊  
蹤因茲生感慨天寒雨濛濛霸業前朝水客心南浦鴻  
作詩焚宇下魂氣或相逢試往問諸葛遺恨滿虛空

夏旱詩

蕙林成魁堆蘭臯蕩朱旗吸吸畦瀛盡桔槔不復施椒  
丘與京汴瞳莽走封豨不見采菱女長干死鷓鴣龜鼉  
何能飽女蘿失葳蕤土龍空蜿蜒豐隆實未知萍翳雙  
耳聾鳥揚角鬢鬢雄虹與雌霓迺暑將安之老父仰天  
歎徽蠶愁歲饑喟喟感離蟹陴側空爾為

貴州猶轉運雲南尚執爻時事一轆轤黔羸轉崎嶇念  
此荆南地兩月疲輓轡爍日走南陸金石為之渝強半  
見腐井沙洲渴短狐噪獺饑欲死蛟龍泣江湖鹿蹊空  
斷斷徒管切踐處也楚辭九思鹿蹊今躑躅跛鼈為人俘馮夸威何在陽侯氣

不舒願言叩上帝沆瀣早來蘇勿使雲漢後而再賦周

餘

讀古詩集卷四五言古中

三六

忽憶

世路何蹇產曠黃復歲時十載客南榮騷屑獨自知桂  
楫歷曾波每每遭石碕徑復多硨磲碾苦相隨安得  
駕青虬又復驂白螭所屆無帶騎帶音埜又音帶楚辭帶騎陰騎貌飛身過黃

支部曲一百萬左連大夏陞將相入都廣為王闢洪基  
犀甲何焟煌焟同焟焟入切火光長鉞一陸離掛弓蔥嶺外談笑捲

朱旗

世皆棄孟姬龍廉入深宮龍音龍龍僅與龍鐘龍東同人皆重康瓠雞駭

瓦礫同胡繩誰能識馬蘭塞路中駟駟一何憊朴牛乃

如龍鈎繩各異姓竹栢別其胸鼉鼉遊葦池燕雀笑飛

鴻男兒生世間吾道豈終窮  
桂蠹宿芳澤辛苦獨蓼蟲  
囊我崇谿劍秦我馮珧弓  
笑謝雲臺仗采藥入中嵩

讀史亭詩集卷四終



讀史亭詩集卷五

南陽彭而述禹峰甫

五言古詩下

雁峰留別同事諸君

以下滇黔集

僭作朱陵長三載如過隙軍興方旁午水旱一以劇文  
牒苦稠濁簡書讐魂魄蓼擾柳桂間牙孽復作逆土窖  
藏告身蛟龍護侯伯去年西征卒公然肆薑螫勒兵鋤  
陸梁寢處不遑席屯兵壑巨川轉餉難及額催科與撫  
字兩事實相厄睽此間左遺瘡痍充戶籍南荒苦兵劫  
強半溝中瘠曩者草橋戰金鐵喧霹靂名王化作塵白  
骨如山積近日滇黔收車書通九譯湖南一塊土荆棘  
實再闢予也忝藩宣覆餗良踧踖洪惟二三子爲我資  
擘畫市虎不啞人鴻雁來中澤積薪敢云久瓜期亦以  
迫璽書下昆明蔥嶺連沙磧古來建節人多是西南客  
離筵簇南垆爲君飲一石躑躅惑舊遊徒有雪爪迹

頂站

關索嶺而西山勢與雲齊裊裊象鼻路斷續成高低水  
聲一鞞鞞松杉映前谿石龕夾天塹下有粳稻畦苗人  
垂椎髻腰纏五色綈烏耘坡陀下赤骭踏黃泥自言懼  
喪亂苗畲生蒺藜秦王竊據時滇黔爲鯨鯢大者煉象  
兵小者克提攜十九無烟火豺虎噉蒸藜近者勤吊伐  
聖主念邊陲王師屯六詔竈增洱海滑羽檄馳流星三

軍待晨炊香杭來吳楚白鏗供梁齊糜費八百萬轉輸  
相追隨虺羸苦負擔更無息肩期願言交趾開長此臥  
鼓鼙

憶我西征日夏口柳飛絲今已六月後尚在黔中棲崎  
嶇四千里強半陰雨垂熊羆吼當路白晝走魍魎山頂  
決層雲山踵穿深池或折如鹿角或疊如牛脆險隘不  
一狀顛躓勞馬蹄近者輒饕道百萬羽林兒詔書還開  
疆驛使來京師過都如歷塊沒滅颶風吹大吏仰鼻息  
小吏受鞭笞驕半凋喪駿骨生瘡痕所嗟皇華路荒  
服靡子遺兼聞廝養卒鈔畧無虛時商旅爲裹足都護  
空爾爲不知端拱上何以慰蒸黎

再別崔修菴

讀孟浩然詩集卷五 孟浩然

東郭歸化寺青青松栢枝諸公送我行離筵載酒卮南  
指蒼梧雲飄渺天外垂行行一萬里山川實間之絕巘  
通霄漢巉石起熊羆五溪春水沸遙接牂牁嶺表雖  
小康九郡尚瘡痍金沙隔戰壘帶甲滿滇池戮力視公  
等租稅疲子遺我行日以遠分手良淒其

社燕海上來遊子去何之我來菡萏發我去楊柳垂把  
酒問同人分袂即天涯桂林連象郡荒服盡南陲往者  
漢武帝四路出王師呂嘉不復反甌駱罷旌旗 本朝  
收兩粵幾經反覆爲名王鎮番禺日南盡健兒遙知閭  
左空征輸及荔枝深覺無字難何時罷鐵衣

滇南道中寄南寧令伯建

西南山石都險陜剛容巒砢砢岩巖然夾道縛良驥唐  
突千萬羣大小如引類高峰削鏌鋸平坂列矗矗左擔  
臨絕壑驢背惟恐墜狂飈吼山脇人面日顛顛木香散  
馥郁茶花開紅膩亂山鸚鵡鳴林深不見翅南賈遠方  
來布疋捆載至緦屬過百牢忍將餓虎餒此物到雲南  
一時三倍利賤子蘭滄江量移五嶺地所嗟鬢毛斑原  
無將相志蹉跎三十年舉趾多顛躓一身萬里遊於國  
無軒輊空郊多豺虎游徼藏劫騎行李雖蕭然白日防  
魑魅金沙未息戈緬甸牽右臂雖鑿昆明池莫樹日南  
幟王者大無外未容車書異翹首望炎州南海當離位  
智高久蕪沒呂嘉亦辟易我行賦南征敢謂交州棄我  
友程江夏百里南寧治一官走天末花封實小試十年  
喪亂餘民生亦孔瘁孫李相鯨鯢黃沙沉斷靛恩勤良  
已難慈乳防猛鷲惟子嫺經術循良有故事邂逅交水  
頭陶然成一醉夜半詔書來云是長安使黃帝忽乘龍  
薄海爲灑淚倉猝竟分手銷魂對古寺把臂是何年此  
日永當記

雞場寄題天台

憶我庚子夏乘傳入滇池三千黔楚路頑山滿目垂糞  
堆與土壤砮砢空爾爲曩者飛雲洞獨自出等夸今者  
天台山愈出迺愈奇青嵐觸馬首藤蘿煙霧披芙蓉十

里外乍可到金羈夙心嗜佳勝林壑矧列眷未可覲面  
失跋馬相追隨遙望已神豁近眺愜所宜石梯何峻嶒  
老樹三十圍委曲蚰蜒路松風入絳帷山臍俯萬峰嵌  
竇瀉屋屨屐迤邐陟絕巘軒欄帶呆愚飛閣相牽屬藻井  
一陸離恍惚雲霄上脚下踏虹霓空中神骨寒落霞任  
指揮緬想楚莊躡與夫秦張儀遠畧開遐荒萬里勤旅  
師靈山歸職方輿圖盡西陲此山失本來斧鑿窮設施  
倉猝去白崖經年昆海湄今朝過安郡雞場繫馬時復  
欲一登臨春光攬翠微王程不自由杖履未有期故人  
石太守今者地主誰為我訊平安名山好護持

半山亭

讀史堂詩集卷五

五言古下

四

孤峰跨郡郭巉巖劃幽奇雲漿瀉石竇碧玉濺屨屨寒  
壁削積鐵白沙走清池有時蛟龍吼驚湍足練垂有時  
竿籟鳴薜荔相葳蕤遙望四周嵐雲霞生近陴攬之不  
盈掬襟帶烟霧披飛閣凌雲出木筆大十圍蒼筤搖春  
風松濤捲翠微主人來山東魁傑經人師牙籤十萬卷  
振鐸西南陲偃仰一屠蘇諸生羅絳帷金甲方震蕩羽  
書何交馳士子敷文德柔遠愜所宜賤子下昆明杖履  
偶及茲深同主人醉遂與名山期昔者夜郎王君長自  
一時漢使唐馬輩捧檄下羅施古人不可見風物邈難  
追攬勝不到此萬里空爾為

辛丑四月黃平作

時守杜廣廣文余夢  
鯉相與盤桓甚善

滇雲甲未解王路正崎嶇旌旗來上國念此西南隅代  
戍有程期敢自厭征途安西未列郡餘孽實迹遁粟鋸  
輸中原艘滿洞庭湖轉運一以難不供健兒鋪駸裹塞  
城郭又復急青芻苗民筋力殫骨髓日以枯府吏捧牒  
至山谷爲喧呼開疆事未已違計閭閻墟王者合三統  
萬里入車書會須銘青海勒石過居胥洗兵常不用瘡  
痕長此蘇

我行黃平道百盤何嶢嶢下有蛟螭窟上有狄鼯巢我  
前青兕叫我後黃狐嗥躡蹬使我下迤邐使我高左右  
風颭颭弓箭各在腰左擔危如棧溪惡或無橋疲繭日  
將暮筋力一以勞馬上見平楚茅屋架樹梢道旁兩官  
長迎我過西郊雄堞埋葦蕪沒滅見城壕下有百頃田  
荼蓼無人薅一水通五谿險隘纔容舠近者鑿石門南  
米來百艘所嗟陸運難喘汗入重霄股紅良可惜戰士  
空嗷嗷

重九前二日看菊

以下粵遊集

嶺南萬里地連年苦用兵園亭半瓦礫花草不復生時  
序值九月葳蕤謝朱榮如何楚江菊窺入百粵城也復  
能盛開燦燦灼眼明雲霞當尊見錦繡列前楹五色相  
披宣白露載盈盈客子來遠道天涯簇弟兄絕嶠值名  
花對此愜歡情况復重陽近如聞風雨聲良醞姑蘇至  
河干小舟橫翩然黃鵠裳楚客賦南征酌酒問秋菊恥

將百卉爭勁節傲嚴霜天地見崢嶸本宜植上苑圭璋  
耀其英炎荒多瘴癘雜然配橘橙未飽宗臣腹徒成處  
士名培之以錦砌衛之以千旌送汝洛中去明王重老  
成

全州道上聽松

驅車歷炎暑四望入平蕪長松夾道植積舉十萬株結  
蔭彌百里倚斜色態殊青銅化作骨積鐵長其膚根節  
互盤錯強半如跣跌車蓋何陰森龍螭相盤紆萬籟忽  
而作變幻不一塗大者槓金鐵小者振笙竽或如兒女  
喁或如壯士呼山谷一以震管絃一以鋪或謂是風也  
抑松之爲乎風松不可辨二者相糝糊兔絲結不解瓊  
珀理難誣列戟擁將帥鼓吹熯前驅行行斷復聯望望  
到城隅我聞古嚴關在昔隸番禺南越在漢初不登王  
會圖此松始何年歷代幾榮枯尉佗不可見伏波亦以  
徂飄渺蒼梧雲日暮但棲烏

柳州懷子厚

我昔吏永陽山水足亨嘉大率因君顯文字爲梳爬不  
然終荒裔蛇豕以爲家今我入南粵浮梗泛天涯覽勝  
入龍城懷君意更奢公於元和際崛起陟清華銳意凌  
霄漢鷓鴣淅鏝錡豈知遭嗟跌塌翼徒咨嗟屈原得放  
逐賈誼到長沙自古經術客難免物望譁困厄愈凌厲  
何啻陟嵩華當其堙鬱極騰蹕天漢槎芝菌發光怪虬

枝紛盤拏磨成大手筆漏天補女媧百粵文字祖詞賦  
奇而葩讀君易播表天子再宣麻誰謂君門遠一身萬  
里遐君於朋友際義烈良足誇所以韓公傳昌言爲君  
加同遊蕭許輩高步登雲霞無人爲一言洗剔其疵瘕  
騏驎困泥坂鳳皇終籠笈永柳遷謫作秋雨襟塞如當  
其腸斷處猿聲落三巴羅侯勤俎豆苻藻間秋瓜歲時  
走巫覡楚歌猶傳芭酌公一杯酒不復歎樓苴公有句草復歎樓苴  
使君作將相德音豈無瑕何如千秋業時發嶺南花

粵城諸葛祠

有引

在桂林城西陬臥龍山麓土人祠之未詳所始  
衡州石鼓書院有公祠舊史公爲軍師中郎將

讀史亭詩集卷五 五言古下

七

督三郡軍實於臨蒸按零陵距此尚數百里此  
時嶺南之地盡歸孫氏公不應至此或聞風而  
祀不必深究也拜公祠

公是瑯琊人跋涉來青齊避亂入南陽臥龍乃舊棲歎  
息漢中葉中原走鯨鯢三顧煩昭烈魚水相提携協規  
赤壁功畧地湘水西嶺南百粵地震悚達雕題江左方  
割據許昌正鼓鼙借此荆州土苦欲救蒸黎所志既不  
遂白帝成封泥雲霄一羽毛長此復悽悽洒血定南中  
誓師過碧雞尺澤困蛟龍麒麟縛其蹄回首祈山道潼  
關戰馬嘶未能成倂馘徒自嗟噬臍至今褒斜路五丈  
草萋萋我來粵山微荒祠一攀躋萬山犄鹿角疊嶂如

牛脆石竹年年綠榕陰怪鳥啼望斷蜀鵑魂落日蒼梧  
低

望南嶽

昔稱嶽主人勝槩幾遊覽譬彼果腹客珍錯不能啖今  
日過嶺來反動南嶽感陟身蒼梧巔遙望金沙縹祝融  
爾能來烟鬟何澹淡伸手秀可掬層霄走茵萑下視齊  
州低星辰會一攬岫嶠峰奇字虬龍糾成綑忽傳虞帝  
來珠璣帶玉統如聞朱陵瀑銀河流其坎紫蓋羅閭闔  
陰森雲日慘山北多蒼耳山南多葛歎我聞得道人歌  
此如檄攪但能生羽毛凌虛出塵霄把酒勸赤龍世兒  
差鉛槩洞庭纔一杯九野氣黯黯一笑漢秦君學仙無

此膽

談蓮老之東粵

談子何方來詩文美而豔短髮間霜髭壯心殊未厭跋  
跋走江東鷓鴣看一劍百戰疲金陵餘子爾壇坫糠粃  
見六朝長江湧天塹又如金焦山砥柱迴激灑近日詩  
格卑徒爲竟陵玷如疾到膏肓藥石難箴砭孟津繼迴  
瀾李何起昏墊以此號大宗當璧或不僭自笑頭已白  
半生攻鉛槧一官雖不偉璧壘猶在念飄渺蒼梧雲霜  
風吹茅店送子過粵東離尊何足饜祿位讐高名如君  
亦其驗

鏡亭園蔬



何來瓦礫地蒿苴雜菘青黃公鄙肉食羣蔬羅其亭悠然命灌溉不時勅園丁曰惟古之人淡薄以爲經所食無兼味何必五侯鯖近市少桔槔有智須挈鏡未幾兩月間滋華如郊坰承筐猶掇之蒨鬱滿戶庭狂奴不求多公餽常在銘我聞服氣人所惡喙腐腥葵韭竈蓼蘇野味留芳馨長鏡以爲命菜傭且莫停古之霸王畧寓意在無形經綸藏播植甲坼隨風霆黃公笑不答客去門復扃

閩署古松

公解中置此閱人真如郵未審何年植枝幹與雲浮挺挺空塔下老氣橫炎洲黛色兼霜皮蔭可蔽千牛訓狐

讀李詩集卷五 五言古下

九

不敢巢陰雨啼鶻鶻當時秉鉞人歷盡幾公侯人代抑何速此物等蜉蝣憶在勝國日閩帥建節樓朱甍連碧砌雄風抑颼颼大厦都銷歇一椽不少留慙遺獨有爾離奇載道周豈以不材棄先容不我收徒爾耐風霜總不受虔劉日望伏波山矍鑠相綢繆主人金陵來饒具匡王謀暇日酒其下濤聲灑壯猷時復一相訪金尊散客憂婆娑想神理倜儻出城頭如斯不棟梁深爲匠伯羞有時清廟上網羅或見求

書所見

我觀溝洫志載讀河渠書疏排有至理地氣無填淤吳子啓邗溝羸秦掘丹徒迷哉隋楊廣梁宋達江都亦有

蕭寺主淮堰百里餘國君猶不可何況在簪裾汝南鴻  
隙陂灌溉資萑蒲一朝與陂滅黃鵠爲嗚呼是皆窮造  
物遑恤民怨睢我行甌駱道高嶺雲鬱紆北水歸洞庭  
南水下蒼梧灘江近城隈雙虹帶高渠王足何方來麻  
子彈爲閭胥靡苦畚鍤子遺失歡娛罔論地脉傷雉堞  
上河魚鯨鯢相唼呷引類入南隅直突羊馬墻輕舟蕩  
雁鳧地是沁水園人泛赤沙湖羅綺滿沙棠蓮舟穿芙  
蕖府主大歡喜醉污瓊醴

寄衡州趙使君時督桂林運

爾本承明客舊作長楊賦再出典山公人倫歸掌故一  
麾來百粵山林啓葦路十萬羽林軍掛弓灘江駐轉輸  
良艱虞嬰兒如待哺石田困廩庾戾癸恐時呼長鯨未  
盡縛量沙那可悞惟君救時才兼能佐轉輸星檄飛江  
東白米如泉注日增十萬甕儲胥咄嗟措槍纍何振振  
飽此桂林戍滇黔方出師黃金急白羽得此稱後勁飛  
過鐵橋渡計日秦階平告廟賜大酺念君紆籌策勿絀  
西南賦行且召君矣回首望嶺樹

懷南寧江使君

我昔遊金陵得聞江郎久身出紫陽鄉文似同甫手一  
官閩海東伸手捫北斗飄渺白雲司鷓鴣在戶牖茫茫  
九江南屢經兵燹後聊作豫章行彭廬環左右帝乃顧  
日南巫黔尚小醜惟茲百粵陲保國相雜揉誰爲借長

城 天子曰江某果見黎陳歸公然上印綬筐篚盈道  
路表箋篆蚪蚪可知兼通材左宜而右有吏治須經術  
邂逅君是否

寄平樂胡使君

日前胡公來爲作方伯祝玉壺合在陳銀燈醉華屋是  
時黃花開兼之秋釀熟飄渺飛白紵婉轉連絲肉我聞  
方伯言得悉子芳躅塞帷在三輔旌旗照上谷牙籌佐  
軍需羽林仰斗斛驅車太行坂跨馬華山麓至今秦晉  
地剪伐愛嘉木 天子顧五嶺雙戟下南陸百粵魑魅  
地萬山如結束峽确叢蟻蝨梳爬難欲速惟君保障材  
雄髻易風俗豺虎旣屏息深巖結蛇蝮聲靈震朱崖稽  
顙來歸服此事雖廟謨功勤良足錄賤子叨同舟隨人  
空碌碌翹首蒼梧雲倚徙江潭綠

聞長男始起武科捷

辛丑仲冬廿日

一官寄嶺南邊風欺人面每於吏牘暇手不廢一卷念  
我起家此垂老猶不倦晨興未盥沐丁寧喧貢院時子短  
居此  
衣兩健兒來自長沙縣囊出京國錄爾與熊羆宴喜提  
如意舞朋舊相歡拊 英主方龍興連年苦征戰將帥  
思鼙鼓時方重弓箭昔日班定遠書生焚筆硯獨於父  
兄外卓犖以自見我爲縑緗悞輒生時事賤崎嶇萬里  
遊歲月如飛電昨朝攬鏡窺鬢鬢白於霰誓將拂衣歸  
湍壩學漁佃濁醪理散帙王侯何足羨

粵樹何蓓蔥粵山彌萃律廢邸作公堂朱門帶瑤室歎  
我離家久屈指歲華七嗟懷祖父瑩伏臘增歎息前接  
建水書萬里來滇國爾弟先致身荒徼尹夔夔我爲軒  
然喜豈不念先德丈夫事壯遊何必論關塞爾今復成  
名天駟驂騮質古來封侯人原不在文墨楊馬賦蹭蹬  
衛霍擅封邑天寶多文人獨傳儀與弼兵氣未全銷潢  
池在方域爾父抱壯志生平人未識斥鷃戀搶榆蹉跎  
已云失努力事戎軒爲國靖殘賊吾里將相鄉雲臺猶  
在側莫學爾老翁但恃三寸筆

冬暖偶出郊關坐蕭寺看沿江煙嵐

吏事嶺外簡瘡痍纔定後異國喜同人荒嶠多煙岫每  
於簿書暇不忍廢清書筍輿出東關探奇如訪舊鼉鼉  
駕高梁江面迎風縐傍岸即闌堵人煙茲羣僦連錫與  
丹砂藥物相雜揉榕木冬逾青長干垂橘柚上有青蒼  
壁山花爭鋪繡崗穴霽森沉宗生繁獲狝翡翠不時鳴  
棕櫚霜皮溜精廬何年置幽篁獐石竇梅花不雷同金  
苞大如豆叢桂甫盈尺公然與霜鬪蜜蜂乘暖來栢蔭  
晴更覆郊郭一氣中孤峰識獨秀商帆南北征戍壘尚  
斥堠金沙鼓未歇樓船捷待奏百粵相唇齒如車恃輻  
輳搖窟叢蟻蝨荒獷而固陋邇來雖化鳩所在猶莽伏  
節鉞賴重臣南人多反復儲胥飽健兒芟芻克馬廐轉  
憐民力艱所慮挺而走以此告同遊過計豈云謬

風尚觀魚

桂山有古尚乃在城之陬俯睨即灘江鳧雁見漁舟洞  
風來無自空中響颼颼如開土囊口窻窻動四周下有  
百尺潭鱸鮪相邀遊往來矢魚者網罟如雨稠間有垂  
芳餌垂針作釣鉤大魚或以尾小魚或以頭時聞潑刺  
聲憑空上譙樓四座客歡暢披襟任夸猶絲膾切紅玉  
葡萄酒無籌我思渭水璜尤懷子陵裘日暮風將息漁  
火猶未收臨風問榜人艤子滿沙洲在昔張季鷹秋風  
憶舊丘念及四腮鱸華簪即日抽粵山雖云好萬里在  
邊州何如白水上鰕魚任所求

雨中送破門

讀史詩集卷五五言下  
十三  
浹辰春雨足旅愁日以侵况送老衲去如何不沉吟雲  
館一寂歷紫花帶夕陰虎落相逶迤翠鳥在青林對此  
魍魎地徒勞瘴海心祝融八萬仞九江杳然深爾去朱  
陵洞我在桂陽岑但逢南雁至可能不嗣音

名山在何許霄漢入百層乳鶴巢不住猿攫失憑陵我  
爲朱方客石梯凡幾登門對臃腫樹喆曲間壽藤黠鼠  
時窺案華蟲不避矰嘆息十年事宜途屢折肱茲者蠻  
蜚窟杖履如不勝半載留桑下破衲悟三乘時作文字  
緣揮毫見爾能偷然從此去奮飛如蒼鷹問汝從經路  
莫驚山裏僧

贈李梅谷方伯

梅谷天下士千騎來東方前纛擁如雲列戟明如霜聖  
人爲推轂受命下炎荒不腆西粵城萬山羅混茫猗猗  
如蟣蝨窟宅瘴癘鄉六詔相連屬長官接夜郎近日大  
將軍駐軍甌駱旁轉餉何艱辛舳艫載江糧使者持牙  
籌經營紫微堂蒼梧雲氣白牂牁草木黃作牧心良苦  
何以報 君王

送張一蒼

魚魚文酒會相娛灘江津娑娑長松下茅舍日相親兵  
衛雖羅列中有圖書人東門青羅江朱樓碧玉岑有時  
或往返潁陽漲夕曛不知炎荒苦逐逐老馬塵著書一  
百卷殺核雜然陳窪者風籟木微者鳥鳴春匪侈經國  
業聊爲梁父吟得子能玄賞如聞太古音扁舟從此去  
蕭蕭叢桂林嗟彼長安市我欲碎胡琴

再送張一蒼

憶昔鼎革交賤子遊金陵鐘山十萬戶鼎然號陪京藩  
邸洛陽至丹雘聳觚稜黔相何猖狂貨貝日以增永巷  
填綺羅狗尾續公卿王孫何方來貫索滯前星義旗武  
昌下南北列軍營誰云長江險指顧失中興夢夢思往  
事天心未可憑子今歸建業艤舟石頭城六朝空霸業  
舊禁走鼯鼯向來胭脂井香魂帶血腥臨風莫惆悵白  
鷺夕陽平

送沈羽生歸代州

爍爍沈羽生奮翼出錢塘上書入承明蘭臺墨幾行潛  
身圖書府拔起羽林郎饒抱匡濟畧造次謝東堂揚旌  
來宛鄧叱鞭問葛疆還訪召杜蹟溝洫起隄防蓄畬東  
南畝京抵復倉箱每每鉗盧陂斗泥不可量暇日事疆  
賸爰田作戰場五步或六步風雷躍龍驤乞乞千夫長  
西鄂資金湯蜉子潼關來急羽索軍糧或言是凶將潰  
卒恣披昌得君砥柱之夜半走南陽痛哭元戎第飛檄  
靖城隍至今遺父老垂涕思不忘勒馬入上谷鳴鏑句  
注旁相逢李太守出獵射黃羊如何桂林路炎熱下朱  
方水陸輕萬里扁舟問瀟湘慇懃念老友不辭瘴厲鄉  
百粵文身地向來號大荒近日中國人租稅通上邦呂  
嘉不復反樓船各相望安南復來歸鱗介慕衣裳一身  
笑陸賈愧無千金裝離筵復送子載酒各盈觴蕭蕭黃  
葉下白雁亦南翔屈指數歸程雪花滿太行

病狼行

有引

八柱人有業田者見一兒狼病倒山溝間以絮  
籃護之持歸初制以鐵鏃繫項間日食以肉少  
許坐臥牀第時常弄之狼亦搖尾求食馴甚一  
日偶乘主人醉毳毳嚙主人足寤驚乃啣一肥  
豕跳牆去此以後橫不可制墟落蕭條北客有  
多力者手搏而得之乃磔焉伏其辜

狼子方出胎抱疾山之阿偃僂溝塍中老狼不顧他黃

髮把鋤來呶嚶耳邊聞依稀似狗子捨得守柴門小物  
能狡黠頸毛在堦除雖然受羈勒原無阱檻拘自小好  
肉食一日輒二斤豢養成氣力反顧齒斷斷主人帶酒  
來勦息只酣睡此物乘其暇一足幾不衛主人中傷起  
謂畜何敢然魚肉及主人情理難自寬跋胡乃自言不  
耐鏹索苦食肉有程限一日能幾許槽頭有艾緞終日  
口流涎今日飽飡之其腹良果然謝主入山中腰膂日  
增強恨不生羽翼擇啖牛與羊狼在一家寧狼去四鄰  
驚無復留雞犬赤增汝橫行長橋有老蛟南山白額虎  
不及此狼饞肉山難糊口左擔碧玉山右恃羅帶水崎  
嶇走軒昂據山之腸胃有客鄧塞來兀然奮老拳入山  
尋此物貙劉如烹鮮嗾犬食其肉阿奴寢其皮老狼氣  
數盡貪戾亦何爲

梧州石荆山園走筆贈黃凌之

以下續滇黔集

凌之三湘客生長岳陽樓身跨五花馬又被青兕裘從  
軍四十載大戰隴西頭左手執雕弓右手拖神矛個儻  
何不羈同遊邈無儔功成身將隱不願關內侯近者棲  
嶺南冠蓋若雲浮愛客四公子華鐙酒無籌時方亂未  
歇邊塞羽書稠幽州謝廷甫陰符多奇謀日與凌之交  
約如膠漆投盛世方推轂毋爲鮑林丘會須杖策去爲  
王定交州

陽朔舟行



癸卯之六月舟行陽朔道萬山奪一目形容難爲肖或  
如象而蹲或如虎而跳或如縮頭編或如搏風鳥或如  
淮陰旗赤幟捲燕趙或如昆陽圍風雨戰獅豹或如號  
女粧娥睂只淡掃或如龍山會衆軍落其帽或如鵲鸞  
翔或如鴟鶚叫或如陛下戟或如馬前纛或如泗上君  
敦槃結盟好或如吳延州觀樂恣探討五城十二樓鬼  
國羅刹島變化各神奇空色俱玄妙扁舟五尺地公然  
湊衆巧神魄失枝梧應接忽潦倒半刺未及通義從如  
雲擾雄蝠乘晝出楫擱貢瑤艸水車響鳥健木客走窈  
窕維時柳漿熟桂蠹甚一飽獼猴如串珠孔翠類中表  
黑涎咽老蛟輕舟纜瓠小不及細領畧愧未闡其要風  
煙入艎國江山富文藻百怪洩元氣莫笑人物少

讀史詩集卷五五言古下

七

益湘贈經雲文

山勢何紆曲夾道即長林壽藤挾老樹倚釣狎風淪此  
中有遺舊原是葛懷人自言其先世系派汲水濱宋高  
南渡日爰長其子孫貂蟬何赫奕閭閻在其門迄今嘆  
式微衣冠尚蓁蓁相與話先疇屢夕復兼晨低徊不忍  
去疑是武陵津

七月十五日策馬出全陽迤邐六十里一河水湯湯蛇  
盤田塍中山角互低昂有時路不通樹罅吐其光碧瓦  
連朱楹風雨半圯墻座間對耆儒頭顱亦如霜長揖爲  
下榻宿我忠愛堂古心含樸直雞黍感農桑我去黔陽

道居住益湘旁可能來相訪莫笑夜郎王

波山詩有引

歲在癸卯予年五十有八薄遊桂林爰生七郎  
繫馬古田輒得寧馨遂依舊山題以佳名五月  
歸來一試啼聲扁舟蒼梧溘焉朝露老人心瘁  
傷如之何康熙甲辰黔臬春王偶然念之為憶  
以詩令爾鴈行無忘孺子

垂老西南角兩鬢漸如絲六詔初開日繫馬昆明池東  
鄰有姝子二八揚清眉蹇修以為言邂逅遂結禱迢遞  
來廣州萬山走魍魎甫獲即次安介馬復星馳雨雪山  
谷間魂魄寄屣屨梳爬良以苦負固阻王師綱紀家中

讀聖詩集卷五五言古下

十八

來喜氣滿軒墀為言熊羆兆三月產佳兒維時在座客  
強半多偏裨手奉金巨羅為我酌盈卮我因頽而醉百  
盞不復辭兩月始言歸舍粹撫摩之羅列多星士維言  
此兒奇焚香謝祖妣醉酒伏波祠願言錫嘉名常念百  
粵陞如何三伏日一葉梧江滑鳴榔入始安寸心百憂  
罹七箸不能進反側何所為骨肉相關切躊躇獨自疑  
東門逢小史將欲艤舟時忙然亟問訊忸怩飾言詞我  
乃知兒信生別死相離嘆汝多兄弟兩者今我隨寬言  
慰老父其實用自悲古人折箭誓相憐同父詩下殤何  
足嘆老淚徒為癡西郭有黃周地下好扶持

送黃蟾如歸思南

黃公年三十奮蹟起東遼弱冠入承明况復闕闕高一  
守西陵戍旋觀浙江潮仗策凌八荒蛟龍上節旄振旅  
還帝闕聲華壓百寮爲王司喉舌黃麻出雲霄廟堂方  
側席徘徊西南徼封豕曾割據兵氣未全消我聞鳥蠻  
俗人類而鴟梟睚眦一相犯讐殺如刈蒿負固梗王化  
陸梁匪一朝慣爲逃逋藪吮血礪寶刀茫茫巫黔野族  
類古三苗夔子接房州魍魎連其曹十年成甌脫卜山  
斷葛萋唯公天子使萬里賁星軺號令一以下板楯  
不敢驕溪主來相賀醜酒醉嫖姚鯨鯢成京觀蟻穴盡  
蕭條寶布時登市徭女在近郊咸曰大夫力長此罷征  
鏡

寄王振懷思南

郡陵雙清閣送我入滇池金勒紫騮馬寶鞭珊瑚枝郊  
原列瓊屋鎧仗壯軍麾猶記分手際贈我多壯辭獵騎  
金沙外踣碎麓川碑丈夫耀竹帛未可碌碌爲封侯當  
及壯勿負不貲軀我亦隨相勗勉勿遲遲倉猝從此  
別王程路崎嶇我遂入六詔君還過五溪越雋開壁壘  
山鬼避旌旗聲靈囂川東解甲巫山齊府主失魂魄刀  
劍易鋤犁黔中咫尺地牂牁水東西賤子來觀察復與  
公同時去不盈千里相思無了期我聞黃使君君比往  
年肥我日增衰白常夢故山薇我有琥珀酒飽貯鸚鵡  
卮安能長羈旅與君久別離會須恣慢爛重倒舊接羅

照壁山作 癸卯冬

貴陽郭外寺乃在此山巔騎馬恣登眺屢踏菜畦田雞  
柵間茅屋石路走蜿蜒我馬纔喘汗青轡珊瑚鞭行行  
及山麓曲折入雲端石門何崩劣廟貌亦方嚴僧寮多  
窈窕北牕起竹竿老僧何處來家住青城山來此四十  
載霜雪覆兩顴跌坐亦不出日暮看飛鳶周墻種小樹  
丹翠殊芊芊我友陳自修歡笑拍我肩爲言身到此鼎  
鼎已三年胡爲未過此此懷良歎然適來同子醉好山  
應佳篇我爲磨墨書杯酒半闌珊坐念冠蓋場難得此  
日閑倚徙不能去萬山返照間

送吳熙申

讀史亭詩集卷五 五言古下

二

吳下延陵容三十始從戎騎馬過南鄭投鞭劍閣東上  
書謁朱郎談笑揮長纓邂逅幾不過一羶夜郎城壯心  
猶未已杯酒指長虹

海內推大手皆言吳駿公我昔遊京輦親與決雌雄倚  
角分其鹿人傳兩空同我遂去長沙子亦返江東何期  
西南角得遇爾阿戎篇章固磊落幹畧復縱橫人望其  
麾蓋知爲大軍營

贈王篤仲 二首

曾向姑臧壘獵騎射生還破敵當英歲轉戰過前山河  
套沙原下伊吾戰馬間至今六詔地猶說舊蕭關  
挽強纜三尺雕鞍跨賀蘭涼州要害地暮食如風湍短

劍峻函夜寶刀渭水寒  
崩緝猶在握垂老不能看

讀史亭詩集卷五終

讀史亭詩集卷五五言古下

二十

